


## Investigacion pa posibel fraude na H0H Lab



**Pagina 2**

- RWZI por causa  
desaster  
ecologico y  
economico

**Pagina 4**

- Alrededor di  
10mil persona  
mester  
tratamento  
mental


**Pagina 31**

- Acuerdo di  
crecimiento  
entre Corsou y  
Hulanda

**Pagina 8**

## Eclipse parcial di luna no ta visibel na Aruba

ORANJESTAD - Aruba Astro Research Int. ta informa cu informacion cu lo tin Eclipse Parcial na Aruba awe no ta corecto. Loke nos ta bay observa ta solamente e Penumbra di e Eclipse, esta e sombra leve di e Eclipse Parcial di Luna Saros 139 nos ta cay net pafó di e sombra di Parcial esta e Umbra.



**Pagina 3**

**'Definiendo condicion pa  
excepcion Aruba Airlines'**



**Pagina 21**

**Gihae Tang Soo a gana  
cantidad di medaya**




*Segun Prome Minister, Evelyn Wever-Croes*

## Carta di Secretario Interino di Consejo di Minister no ta autentico

  
Secretaria Ministera  
Gobierno di Aruba  
L.G. Smith Blvd 76,  
Oranjestad, Aruba  
Tel: (297) 5284900

I hereby inform you that after ample and careful consideration of all the relevant facts and circumstances - amongst which the great number of jobs at stake and their economic impact, the importance of the continuity of interisland connections between the islands of Aruba, Curaçao and Bonaire, as well as to flights to the United States by Aruba Airlines, and to limit the impact on regular regional flights by private and business jets - the Council of ministers has decided to make an exemption pursuant to section III of the Decree of June 10, 2019, as of July 9, 2019 for a. transit flights by Aruba Airlines ("AA") and b. for private and business jet flights falling under the category known as General Aviation, under very strict conditions.

Sincerely,

  
Geraldine Blom-Ras  
Deputy Secretary to the Council of Ministers

**ORANJESTAD – Minister Presidente Evelyn Wever-Croes a referi na e carta cu supuestamente a wordo emiti pa Secretario Interino di Consejo di Minister, tocante e solicitud haci pa e compania Aruba Air-**

**lines pa por realiza vuelo entre Venezuela y Merca, uzando Aruba como un destino di transito.**

Categoricamente, e prome mandatario a bisa: "E carta ey no ta autentico. E carta ey ta

cambia."

Tin un investigacion andando – segun e mandatario – riba e autenticidad di e carta aki, cu a sali publica den medio di comunicacion, entre otro na Bon Dia Aruba. Ya cu e carta

publica a wordo cambia, el a bisa. E prome mandatario a indica cu nan ta evaluando e consecuencianan. "Na e momento aki e ta parce mi cu ta un consecuencia mediatico", el a declara.

Wever-Croes a agrega cu e tipo di publicacion aki no ta un cos cu no tabata mag di sali. Tampoco e no ta un cos cu ta valido of ta falso. E ta cualifica cu e carta aki ta un 'poco bieu', ya cu el a wordo cambia y e situacion tambe a cambia na caminda, ya cu un carta ta hiba su bida.

Nan tin cu evalua e caso aki miho, pero inicialmente e incidente aki ta muestra cu mas bien den media el a haya mas atencion, cu e consecuencia cu e mesun carta por tin.

Wever-Croes a bisa cu e carta cu e matutino aki a haci referencia na dje, durante e conferencia di prensa di ayera, ta uno cu a wordo cambia. Ya cu un tipo di carta asina niun di e ministernan, tampoco nan secretario, ya sea titular of interino, di Consejo di

Minister ta traha algo asina, sin niun fecha y sin un destinatario.

E mandatario a confirma cu tin cantidad di correspondencia cu nan a intercambia entre gobierno y Aruba Airlines. E no ta nenga cu Secretario Interino di Consejo di Minister a hiba correspondencia riba Aruba Airlines. Pero tambe Departamento di Aeronautica Civil a yega di manda correspondencia pa nan tambe. Pero tur correspondencia cu gobierno ta manda ta aparece na kende e ta bay dirigi y e fecha.

E ta considera como algo usual cu secretario di Consejo di Minister of esun interino por emiti carta, ora ta duna informacion riba decisionnan tuma den seno di Consejo di Minister. Pero esaki lo wordo sigui despues door di un oficialisacion, pa medio di e minister concerni atraves di un decreto of carta, etc.

Potret di 24ora.com

## *Minister Dangui Oduber riba caso di laboratorio di hospital*

### Investigacion forensico lo determina si mester entrega keho na OM

**ORANJESTAD – Otro caso relaciona cu Horacio Oduber Hospitaal (HOH) ta wordo denuncia den prensa. E biaha aki, e no tin cu haci cu e construccion y expansion di hospital, sino cu e laboratorio di hospital mes.**

A denuncia cu casa di e Director di Laboratorio di hospital a crea un propio compania di laboratorio, y a registra esaki riba su propio adres di cas na Hulanda, cual ta un domicilio of residencia.

E compania –segun e corant Amigoe – ta CR Lab Services na Delft. E trabou di e compania aki ta cu e ta haya testnan for di laboratorio di hospital, pa despues e manda esakinan door na otro laboratorio na Hulanda. Despues e resultado ta wordo manda Aruba.

E compania aki a funciona manera un trampolin, unda tin conflicto di interes y e servicionan aki no a bay gratis. Segun Amigoe, aki ta trata di PAP-test. Pero no tin claridad si e test a wordo haci na Hu-

landa of na Aruba mes.

Bon Dia Aruba a tuma contacto cu Minister di Salubridad Publico, Dangui Oduber, kende a bisa cu a tuma nota di e articulo publica den columna di sr. Van der Zee den e corant Amigoe. Na mes momento a tuma contact cu e 'kroonleden' di gobierno den e hunta di supervision di hospital. Mientrastanto su ministerio ta den contacto cu e otro miembronan tambe. E mandatario ta haya cu esaki ta un acusacion hopi serio cu ta ser haci, y como minister encarga cu salud e ta tuma esaki tambe na serio y ta mancha esaki cu cautela. E ta un acusacion di fraude y segun e articulo, ta duna informacion tambe con e fraude lo ta tumando luga.

El a referi cu ta wordo papia di testnan delicado, cu ta wordo haci pa salud di hende, y cu esaki no tin espacio pa haci fraude y tipo di cosnan cu ta wordo insinua. Como Minister di Salud, loke a wordo treci dilanti ta algo cu ta nobo pe, den sentido nunca el a wordo informa di posibel caso di fraude aki na

laboratorio di hospital door di ni e hunta di supervision di hospital ni door di e Hunta Directiva di hospital.

"Obviamente si mi tabata na altura lo a tuma e accionnan necesario," segun e mandatario. Den e caso specifico aki –segun e mandatario– lo dirigi un carta na e hunta di supervision di hospital pa laga un partido independiente haci un investigacion forensico inmediatamente.

A base di e resultado di e investigacion forensico lo determina si mester entrega un keho pa un investigacion penal na Ministerio Publico (OM), pa asina esunnan responsabel di e posibel fraude wordo persigui. Ministerio Publico lo wordo poni na altura tambe, el a informa na Bon Dia Aruba.

Tambe e mandatario ta exige un contesta di parti gerencia di hospital y tambe claridad y transparencia den e caso aki! E situacion cu a surgi lo mester tin consecuencianan hopi serio –segun e mandatario– si resulta cu loke ta ser publica den prensa por wordo prueba!





## Periodistanan di 24ora.com lo apela culpabilidad pa scucha comunicacion policial

**ORANJESTAD —** Hues a dicta ayera mainta cu tur tres sospechoso den e caso Kinikini ta haya e straf cu fiscal a pidi. Marko Espinoza, periodista di 24ora, a declara na nos matutino cu di nan banda nan lo ta bayendo den hoger beroep cu e caso.

Pa Nelson 'Speed' Andrade ta cay 240 ora di ora comunitario, 3 luna di prizon condicional y 3 aña di prueba. Hues a declara cu fiscal a pidi un straf balansa pa e crimen cometi den e caso aki. Compara cu su hefe, Espinoza a haya 180 ora di servicio comunitario mientras e agente di fam Rasmijn a haya 240 ora di servicio comunitario y ta kit'e di trabou como medida adicional.

**Periodista plania di bay hoger beroep**

Den un reaccion na nos matutino, Espinoza a declara cu di nan banda ta bay purba hiba e caso den hoger beroep. "Nos abogado ta trahando riba un strategia", Espinoza a splica. E apelacion pa bay hoger beroep lo ta basa riba e modo riba cual a haci e investigacion, cual segun defensa no tabata completamente imparcial.

Asina por corda un publicacion cu a aparece riba medianan social, cu un di e personanan cu a haci aangifte contra un di e periodistanan lo no a haci esaki pa rasonnan puro. Den e publicacionnan a haci mencion cu e persona en cuestion lo tabata priminti di haya un permiso a cambio di e declaracion.



## Minister Bikker cauteloso riba caso di fugitivo



**ORANJESTAD – Minister di Husticia, Andin Bikker tabata masha cauteloso pa duna informacion riba e preso cu a huy for di Warda di Polis na Sta. Cruz.**

E mandatario a laga sa cu e ta un proceso cu ta andando y cu cuerpo policial y Ministerio Publico (OM) tin atencion riba dje. Tambe el a bay na warda di polis na Macuarima, pa haya un panorama di e situacion. Pero e ta prefera di duna espacio na e dos instancia hudicial aki pa haci nan investigacion.

Ta trata di e fugitivo di husticia, Erick Miguel Schneiders di 25 aña di edad, kende tabata cera pa un caso di asesinato y pendiente di otro caso di intento di asesinato tambe. Bikker kier a trece tranquilidad den comunidad relaciona cu e fugitivo aki, considerando cu e ta un persona peligroso.

E mandatario a declara cu pronto nan ta spera di resolve e caso aki. E ta segura un bes mas pa e 'pueblo por ta trankil'. Considerando cu e caso aki tin su debido atencion, e ta afirma cu pronto nan ta spera cu e fugitivo

di husticia lo wordo deteni atrobe.

Un inkietud cu ta bin dilanti den pueblo ta, con un persona cu su man y pia tabata geboeci por a huy? Bikker ta considera cu e tipo di pregunta aki mester wordo dirigi directamente na OM, ya cu e caso aki ta den 'un proceso den desaroyo'. Igualmente e ta haya cu debi na e separacion di podernan cu ta para den Constitucion, un aclaracion asina ta competencia di OM.

*Evelyn Wever-Croes:*

## 'Ta definiendo condicion pa duna excepcion na Aruba Airlines'

**ORANJESTAD –** Ainda gobierno ta den deliberacion cu e compania Aruba Airlines. Pero te na e momento no tin 'okey' of aprobacion pa nan realisa un vuelo di transito Venezuela-Aruba-Merca y vice versa.

Premier Evelyn Wever-Croes no ta descarta cu lo por bin un flexibilisacion di forma responsabel pa un periodo di prueba. Y si tur cos ta bay bon, e ta wordo extende cu otro periodo mas. Pero nan ta den deliberacion ainda, ya cu nan ta definiendo e condicionnan pa por yega duna un excepcion na e compania aki.

Pero di otro banda, e prome mandatario a bisa cu e frontera cu Venezuela ta permanece cera.

Gobierno ta atendiendo cu e situacion di Aruba Airlines, ya si nan no ta haya un tipo di ayudo, nan ta bay haya problema financiero. Pa medio di un serie di corespondencia, nan a bisa e compania aereo cu gobierno ta evaluando nan peticion, cu por yega di otorga excepcion pa nan por realisa e tipo di vuelo solicita. Pero pa medio di otro corespondencia a yega di notifica e compania aki cu a bin otro asunto ariba mesa, locual a pone cu gobierno a informa

nan cu esaki no ta posibel inmediatamente.

E tabata un serie of 'cantidad' di corespondencia, segun e prome mandatario. Pero nan

no a manda niun corespondencia pa prensa, ya cu nan ta corespondencia interno.





*Ursell Arends di Partido Raiz:*

## ‘RWZI na Bubali por causa desaster ecologico y economico’



**ORANJESTAD – Durante un conferencia cu partido Raiz a ofrece ayera atardi na Cas di Cultura, nan a expresa nan preocupacion tocante e menasa di Rioolwaterzuiverings installatie (RWZI) na Bubali y loke esaki ta representa pa e naturalesa y economia na e momentonan aki.**

Di e palabranan di Ursell Arends, representante di e partido politico RAIZ, hunto cu Raymond Kamperveen, kende tambe ta miembro di e partido, el a splica cu aña pasa nan a haya e reporte for di TNO Caribbean realisa pa Curtney Barrera, den cual ta señala e menasa y desaster cu por causa si den un futuro cercano gobierno no atende cu e proyecto aki.

Arends a informa cu e reporte a expresa cu e situacion

aki ta un menasa pa naturalesa y tambe pa turismo, pa motibo cu e manera con a atende e proyecto no ta esun miho. A construi esaki a na aña 1972 y ta representa un ‘Time Bomb’.

Arends a bisa cu nan, como parti di comunidad y comerciantenan, mester ta na altura di kico por pasa pa perhudica turismo, ya cu e 90% di economia na Aruba ta basa riba turismo.

Asina mes, el a duna di conoce cu tin 53km di tuberia di awa di pos cu ta conecta desde Cas di Paloma te cu Palm Beach Malmok area y tur ta bay te Bubali plas; y segun e reporte di TNO Caribbean si no atende esaki, mirando cu ta den un estado deplorabel y tur e tankinan di cement –cu manera Arends a sigura– a cuminsa cay den otro, prome

cu aña 2020 gobierno mester atende esaki.

Di mesun manera, el a bisa cu no a mira ni papia tocante e situacion aki, pero si di e cantidad di camber extra di hotel cu lo construi. Arends a comenta cu e facilidad ta ricibi dos biaha e cantidad di awa cu e por maneha, y e awa cu no ta procesa door di e facilidad aki ta bayendo den lama. Esaki pa motibo cu Bubali plas no por carga e cantidad grandi di awa. Na fin di augustus proximo lo tin un instituto cu lo pidi a traves di Directie Natuur en Milieu (DNM) pa haci un studio. E Instituto Caribbean Research & Management

of Biodiversity Institute (CARMABI) lo bay produci un reporte y mester ta consciente cu den e area di lama dilanti di Bubali plas full e bida marino ya ta morto, y tin algun especie di algan cu ta creciendo cu ta peligroso pa e ser humano.

E problema aki, segun Arends, mester ta conoci pa comunidad pa motibo cu nan tin cu sa con lo bay atende e problema, pa motibo cu esey por causa un desaster, manera TNO a reporta: “Full e area di hotel y Oranjestad lo bay ta bou di awa” pasobra e awa aki lo inunda e hotelnan y lo afecta turismo y economia. Tocante e riesgo y peliger di calamidad cu e problema ey ta trece cune na Bubali plas, e facilidad por atende un total di 10.000 meter cubico di awa pa dia y e cantidad cu e ta procesando avor ta surpasa pa dos biaha e cantidad cu e por ricibi.

Di otro parti, e sistema cu ta manda oxigeno den awa pa oxigena e contaminantenan no por atende e cantidad di awa cu ta ricibi, ademas cu e ta mucho bieu caba, pues e kimiconan cu ta malo tanto pa naturalesa y pa ser humano no ta procesa adecuadamente, causando enorme daño na bida marino.

Ademas, Arends a comenta cu TNO a bin cu solucion cu mester ta atendi urgente-

mente, pero tempo ta pasa y nada a wordo haci. P’esey nan como Raiz a dicidi cu nan mester trece dilanti e problema aki, pa duna di conoce e pasonan cu mester tuma pa coregi e problema.

“Tur e awa cu ta bin for di Cas di Paloma, Malmok y full area di hotelnan ta wordo manda pa Bubali plas y e awa di e tankinan mester ta procesa, mirando cu e mashinnan ta trahando na 40% di nan capacidad”, Arends a sigura.

Raiz tambe ta trahando riba nan mesun proposicion, manera Arends a comenta, cu TNO a señala claramente cu pa renoba e facilidad e lo rekeri di un inversion di 12.000.000 florin. Desde 2014 a haci estudionan pa conseha gobierno pa hinca e facilidad aki bou maneho di WEB en bes di DOW manera ta avor, pa asina e proceso por bira den un sistema di ‘revenue generation’ pa WEB.

Pa finalisa, Arends a informa cu partido Raiz tambe kier bin cu un colaboracion di industria den cual fundacionnan, parke nacional y NGO por atende e problema aki prome cu e bira un desaster. Di mesun manera, el a bisa cu nan kier participacion di DNM pa haci un esfuerso pa sana e problema hunto cu WEB y DOW, como tambe sosten di sector turistico pa drecha e situacion.

**Three Rivers Real Estate N.V.**, in connection with the hotel project for Baby Beach, is looking for an:

### Administrative Manager

**with the following qualifications:**

- Bachelor of Business Administration
- recently graduated or up to 5 years of experience
- English, Spanish, Dutch and Papiamentu required
- with accounting knowledge
- office tools specifically Excel
- proactive, good presence, people skills.
- Experience in auditing, taxes, administration in companies in general will be valued.

**The offer:**

- Attractive and competitive start-up salary
- Possibility of growth within the company
- Challenging and exciting work environment

Please send your CV to [trust@setarnet.aw](mailto:trust@setarnet.aw)





**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Ass. Dir. Ehecutivo**

Xiomara Arends

**Redaccion Ehecutivo**

Leo Maduro (hefe de redaccion)  
Nicola Gonzalez (redactor ehecutivo)  
Pilar Flores (redactor ehecutivo)

**Redaccion**

Benjamin Romero  
Kenna Hernandez  
Andreina Morillo

**Departamento Digital**

Cristian Soto Garcia

**Ehecutivo di Benta**

Sulaika Croes

email: sulaika.croes@cspnv.com

Linda Reijnders

**Aviso y Arte**

Sandra Loefstop  
Lisa Tromp  
Shannon Geerman

**Administracion**

Mariette Engelhart  
Martha Arteta de Ariza  
email: accounting@bondia.com

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Luis Villegas  
Associated Press  
Ret Karibense  
Upload Media Aruba  
Verbum Works

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800 / Fax: 582-7044  
Email: noticia@bondia.com  
aviso@bondia.com  
Website: www.bondia.com  
Facebook: @bondianoticia  
Instagram: bondiaaruba

BON DIA ARUBA ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



# Editorial

## Hulanda ta yuda Curaçao... *Nos ta warda nan bin yuda tambe?*

Nos a tira un bista mas di cerca riba e acuerdo entre gobierno di Curaçao y di Hulanda, cu a acompaña e 'aanwijzing' cu gobierno di e isla a haya diabierna pasa. E ta un indicacion cu gobierno Hulandes ta dispuesto di reconoce cu no ta un cuestion di simplemente dicta e islanan kico pa haci, anto ta hacie tambe. Tin cos cu ta asunto di boluntad, politico, pero tin otro asunto cu realmente no ta logra asina facil. Awor cu e dos paisnan den Reino a acorda cu den tres aña di tempo ta bay haci loke den hopi aña no a logra, ta motibo pa por lo menos tira un bista critico riba contenido di e acuerdo aki, tambe pasobra e realidad gubernamental ta bastante similar na esun di nos, y pa no bay comete mesun erornan den nos caso, si algun dia yega asina leu, aunke naturalmente nos ta spera cu no lo ta necesario. Kico asina ta e cosnan cu a hala nos atencion?

For di otro noticia cu a bira conoci den e dianan aki nos por a tuma nota di e opinion di Cft tocante e cuenta anual di 2017 di Curaçao unda ta constata cu e incertidumbre encunto veracidad di cifra ta acumula te ANG 2.900 miyon. Y cu e incertidumbre aki ta refleha den e reportahenan di cada tres luna cu e pais ta duna como base pa e control y supervision di e propio Cft... Nos sa cu Aruba tin su retonan riba tereno di administracion financiero, pero nos no a yega di mira e tipo di observacion aki den e comentarionan di CAft. No cu nos ta den un situacion totalmente sigur, pasobra na Curaçao nan por bisa cu den pasado nan a yega di haya un declaracion aprobatorio di accountant, mientras Aruba ta tratando na yega na esaki pa prome biaha. Igualmente Curaçao cu ta trata di yega atrobe na e situacion 'normal' ey. En todo caso por imagina cu di banda Hulandes ya no ta acepta mas retraso pa trece un cambio drastico den administracion financiero di e isla, y cu den e proximo tres aña kier yega na mehoracion substancial. Cu gobierno insular por cumpli ta otro pregunta, pero aki e apoyo di experto Hulandes por haci un diferencia grandi.

E duda tocante kico por logra den apenas tres aña ta den e plannan pa restructura henter e aparato gubernamental. Aki ta existi e temor cu e Hulandesnan ta tuma demasiado e situacion na Hulanda como punto di salida, mientras cu e realidad riba e islanan, incluyendo Aruba, ta bastante diferente. Por ehemplo den e diferencia di rapidez cu cual por organisa y ehe-

cuta restructuracion den e departamentonan, pa motibo di derechonan legal, forma di consulta cu sindicato cu no por ignora, tur esaki ta haci cu no tin rapidez den ehecucion di e tipo di proceso aki. Positivo di otro banda ta cu den e acuerdo a yega na e iniciativa di crea un 'Government Academy'. Esaki ta un bon idea, tambe pa nos isla, sin cu nos mester haya nos den algun estructura obligatorio cu Hulanda pa haci esaki. Pa hopi aña caba varios persona, dentro di e aparato gubernamental como pafo a vocifera na favor di un instituto asina. Esaki a bira mas un necesidad ainda pasobra e poco instrumento cu gobierno Arubano tabatin pa educacion y training di su cuadronan, sigur na nivel intermedio, a bay perdi den ultimo decadanan. Esnan cu conoce e procesonan interno di nos gobernacion di tres o dos decada pasa por a ripara con mal prepara hopi di nos empleadonan publico ta, loke no ta nan culpa pasobra ta e dunado di trabao, den e caso aki gobierno, mester pone su standardnan y mantene esakinan tambe. Y ta hustamente esey ta loke no a sucede den nos aparato publico den e ultimo trinta aña sigur, unda a baha e exigencianan minimo pa por bira ambtenaar. Den esaki naturalmente politica a hunga un papel importante, unda a adapta e nivel di exigencia na e nivel di e personanan cu a campaña y cu mester a haya empleo despues. E situacion aki tambe a hiba na excesonan manera e practica den departamento di recurso humano, cu si un persona tin un cierto opleiding, e mester cana e caminda corecto, pasando nechi asina di un schaal pa otro. Al contrario, si e persona no tin e educacion ey, anto e por salta schaal...sigur si el a haya su nombramento politicamente.

Pero pa bolbe na e tema, Curaçao tin un bentaha grandi riba Aruba pa loke ta su aparato gubernamental, y esey ta cu a pasa e basora grandi caba eyden, reduciendo e aparato na bastante menos cu Aruba, mientras nan tin un poblacion mas grandi pa atende. Den e dianan aki, cu e fantasma di indexering lantando cabes atrobe, ta bon pa nos corda cu di un banda no por pospone indexering eternamente, pero di otro banda tin pendiente ainda e tarea di restructura y modernisa nos aparato gubernamental, cu ta un peso enorme riba e comunidad aki. Nos por keda warda te ora e barco pega, es decir cu e Hulandesnan ta bin 'yuda' nos. Of nos ta hacie nos mes.



## Chile: Docenten a cuminsa di shete siman di welga nacional

**SANTIAGO DE CHILE (Prensa Latina) – Miles di persona afilia pa e Colegio di Profesor di Chile a inicia ayera e di shete siman di un di e welgan mas largo di e magisterio di e pais aki.**

E welga ayera a drenta tambe den un tempo di espera pa e inicio di vakantie di winter, pa lo cual e directiva di e gremio a convoca un asamblea nacional pa e proximo diaranson, pa defini e strategia pa baha e desgaste logico provoca pa e protesta largo. Diaranson ultimo e docentenan a aproba cu un mayoria e welga, despues di rechasa e proposicion ultimo di Ministerio di Educacion, cu aunke ta satisface e mayoria di e demanda di e docentenan, a

laga sin contesta algun punto importante.

Despues di e decision aki, minister di Educacion, Marcela Cubillos, a mantene e silencio y a señala unicamente cu cualkier pronunciamiento ta den dependencia di e resultado di e asamblea cu e docentenan lo tene dia 17 di juli.

Analistanan ta considera cu en realidad e autoridatnan ta pustando pa e desgaste y e division presunto provoca pa e resultado di e votacion den cual e bentaha alcanza pa e partidario di continua e welga tabata di 225 voto so. For di e direccion di e Colegio di Profesor, a sigura cu ta mantene e unidad di e movimiento y cu a prevalece e caracter democratico di e votacion di e base.



## Colombia: FARC a sigura cu Jesús Santrich a 'exclui su mes' di e partido

**BOGOTA (Infobae/Semana) – E direccion di e partido FARC a sigura diadomingo pasa cu Jesús Santrich, pa kende Gobierno Colombiano ta ofrece un recompensa te 3.000 milyon di peso (938.000 dolar) pa su captura, el a 'exclui su mes' di e partido politico ora el a huy for di husticia.**

Den un reunion di e Cuarto Pleno Nacional de los Comunes, cu a tuma luga fin di siman pasa y cu su conclusion lo entrega mañan, e ex lider di FARC Rodrigo Granda a afirma pa periodistanan cu 'si Santrich a tuma e decision di



separa di e partido ta un auto-exclusion'. Segun Granda, e Forsa Al-

ternativa Revolucionario di Comun (FARC), den cual e guerrilla antiguo a transfor-

ma despues di firma di paz na 2016, no ta actualmente 'den un politica vertical di expul-

sion, pero si tin cu marca e linea di loke e partido ta y su proyeccion'.

Santrich, kende dia 11 di juni pasa a asumi un luga na e Camara di Representante pa e partido FARC, a laga atras e personal di siguridad di su skema dia 29 di juni y desde e dia ey su paradero ta desconoci.

Segun Gobierno, Santrich tabata te e dia ey na Espacio Teritorial di Capacitacion y Re incorporacion (TTCR) di Tera Grata, situa na departamento di Cesar, unda hende desmobilisa di FARC ta termina di haci su re-incorporacion den bida den sociedad.

## Guatemala no por firma e convenio di tercer pais sigur

**CIUDAD DE GUATEMALA (CNN) – Corte Constitucional di Guatemala a otorga diadomingo pasa un amparo provisional cu ta bisa cu presidente Jimmy Morales mester cumpli cu e articulo 171 di Constitucion, pa constitui e teritorio como 'di tres pais sigur'.**

Esaki ta nifica cu Morales no por firma e convenio di tercer pais sigur cu Merca sin e mecanismo cu ta coresponde, ya cu esaki ta contra e norma contempla.

E siman aki, fuentenan Mericano cu tin relacion cu e negociacion a bisa cu Merca tabata mas cerca di logra un



acuerdo di 'tercer pais sigur' cu Guatemala.

Un acuerdo di e sorto aki tabata rekeri cu e migrante cu ta

pasa pa Guatemala ta solicita asilo eynan, en bes di sigui te Merca. Probablemente esaki lo tin efecto di evita cu algun

migrante lo bay te Merca pa pidi asilo.

Diadomingo pasa, gobierno di Guatemala a anuncia e sus-

pension di un reunion entre Jimmy Morales y presidente di Merca, Donald Trump, un dia prome cu e presidente Guatemalteco lo biaha pa Washington.

"Debi na speculacion cu a surgi y accionnan legal cu a ser poni, admiti pa su tramite pa e Corte Constitucional, a dicidi di re programa e encuentro bilateral te ora conoce e veredicto di dicho Corte", Gobierno di Guatemala a bisa den un comunicado.

"Gobierno di e republica ta sigura cu ningun momento ta contempla di firma un acuerdo pa converti Guatemala den un di tres pais sigur", e comunicado a indica.



# DOMINATE THE ROAD AHEAD

## THE 2019 JEEP COMPASS LATITUDE



STARTING FROM:  
**AWG 82.500**

PRICE INCLUDING ALL APPLICABLE TAXES.

**Jeep**

---



**ULTIMATE**  
AUTOMOBILES

Sabana Blanco 35  
(+297) 583-9800  
info@ultimatearucar.com

www.jeep-caribbean.com

 JeepAruba

DOWNLOAD THE  
ULTIMATE AUTOMOBILES APP




## Republica Dominicana: Protesta contra reeleccion di presidente Medina

**SANTO DOMINGO (EFE/ElNuevoDia)** – Centenares di ciudadano Dominicano a manifesta diadomingo pasa na Santiago, segundo ciudad mas grandi di e pais, contra corrupcion y pa expresa nan oposicion contra un reforma constitucional cu ta permiti reeleccion pa un tercer periodo di presidente Danilo Medina.

E manifestacion tabata convoca pa e movimiento ciudadano Marcha Verde, cu a surgi na 2017 como reaccion riba



e caso di corrupcion relaciona cu e empresa di construccion Brasileño Odebrecht. E organisadonan di Marcha Verde, cu ta defini su mes

como un organisacion no partidista, a lesa un comunicado den cual nan ta protesta contra e posibilidad cu ta reforma constitucion pa

permiti Medina opta pa un tercer mandato consecutivo den eleccion na 2020. Un di e oradornan cu a lesa e comunicado a bisa cu e responsabelnan (di e corrupcion) ta pretende sigui den poder, evitando bay prizon y debilbe tur e placa na e pais." Marcha Verde ta protesta e aparente impunidad, unda seis politico y empresario so ta bay corte pa e caso di Odebrecht a pesar cu e empresa mes a admiti cu a paga US\$ 92 miyon na soborno na un grupo mas grandi. E manifestacion a tuma luga

despues cu a surgi revelacion nobo di soborno supuestamente paga pa Odebrecht pa haya e proyecto di e planta termo-electrico di Punta Catalina, un di e obranan impulsada pa gobierno di Medina y ta critica e procurador general Jean Alain Rodriguez pa encubrimiento di e caso. Medina, cu a keda reeligi na 2016, no a papia publicamente di e tema, aunke siman pasa diaranson el a comunica na secretario di estado Mericano, Mike Pompeo, cu ainda no a tuma un decision pa cu eleccion di 2020.

## Venezuela: Di 21 kilo di carni pa 3 kilo so pa persona pa aña



**CARACAS (Infobae/)** – E ciudadano Venezolano a pasa di come un promedio di 21 kilo di carni pa aña pa solamente 3, un di e cifranan mas abao na

**mundo.**

E Confederacion Venezolano di Industrial a adverti pa e dramatico caida di e demanda, pa motibo di e crisis economico cu a destrui entrada di persona cu salario, relaciona cu e aumento di costo di produccion den sector ganadero.

E consumo di carni na Venezuela a pasa pa un di esunnan mas abao na mundo, na tres kilo pa persona pa aña,

apenas 14% di e cifra registra na 2016, impulsa pa e caida fuerte di demanda.

Segun Adan Celis, presidente di Conindustria, e sector ganadero ta gravemente afecta pa diferente angulo di e crisis economico, manera e aumento di costo (falta di combustibel, aumento di prijs di material y problema di inseguridad), loke ta complica produccion.

"Pero e problema mas grave

ta e caida di demanda, e destruccion di entrada di e Venezolano," el a sigura den entrevista cu Union Radio. Celis no a aclara si e ta referi na consumo di carni en general o solamente na carni di baca. Di tur manera e ta un cifra abao compara cu resto di mundo.

Argentina, un di e paisnan unda ta consumi mas carni den e region, y cu tabatin un reduccion den ultimo añanan, tin un cifra casi 16 biaha

mas halto den carni di baca, cu 49,6 kilo pa persona, segun datonan di Camara di Industria y Comercio di Carni y Derivado.

E tres kilo anual di Venezuela ta un minimo pa e paisnan di Occidente y similar na e paisnan mas pover di planeta. A base di datonan di FAO, actualisa te cu 2013 y incluyendo tur tipo di carni, e promedio registra na Etiopia ta 7 kilo; na Ruanda 8 kilo.



## Acuerdo di crecimiento (Groeiaakkoord) entre Corsou y Hulanda

**ORANJESTAD – Corsou y Hulanda a firma, casi na mes momento cu e isla a haya un ‘instruccion’ pa corta gasto y genera mas entrada pa coregi e deficit grandi cu ta menasa e aña aki caba, un acuerdo di colaboracion cu ta mustra bastante ambicioso.**

E acuerdo ta basa riba e Strategia di Crecemento cu gobierno di Corsou a elabora y cu na januari 2019 a conduci na un convenio entre e dos gobiernonan. A base di e Strategia gobierno di Corsou a desaroya un agenda di Desaroyo Social pa 2019-2021, basa riba un acercamento integral pa atende diferente problema socio-económico na e isla.

Den tres aña ta e intencion, dentro di e cuadro di e acuerdo, di crea un organizacion gubernamental cu departamentonan cu ta traha eficiente, cu administracion financiero estructuralmente bon y cu plannan pa un recuperacion economico robusto. Pa logra esaki ta bay tin un

paquete extenso di reforma cu mester ehecuta den e tres añanan. Pa cada aña tin cierto tareanan específico, manera pa e aña aki tin pensa di atende seguro social y mercado laboral. Tambe pa 2019 lo bin cu reglanan mas estricto cu mester percursa pa haya mas control riba finanzas publico.

E plan financiero pa explotacion di Corsou Medical Center mester keda cla y balansa prome cu e centro habri y na september lo mester tin un plan pa atende e profesionalisacion di e aparato publico. Na 2020 lo ta turno na enseñansa y salubridad publico y lo cuminsa cu un revision di e sistema fiscal.

### Medida a corto plaso

Corsou mester implementa medida pa aumenta entrada y corta gasto, pa cumpli cu e normanan stipula a base di e Rijkswet financieel toezicht. Esaki ta encera cumpli cu e criterionan estableci tambe den e ‘instruccion’ cu gobierno di e isla a haya siman pasa diabierna.

### Medida structural y reforma

Den e categoria aki ta cay loke e convenio ta yama ‘brede heroverwegingsoperaties’ (operacion di reconsideracion amplio) loke ta parce idioma suavizador pa restructuracion y austerisacion, cu ta trata e terenonan ya mencionada manera seguro social, mercado laboral, etc.

Corsou mester cuminsa un trayecto di mehoracion di e proceso y implementacion di presupuesto. Pa esaki lo bin apoyo di parti di Hulanda. Corsou lo implementa e ‘Roadmap’ aproba na caminda pa un declaracion aprobatorio di su auditoria pa aña 2021. Pa esaki lo reforsa e top di Ministerio di Finanzas ademas di e funcionnan financiero den e ministerionan. Ta restructura e sistema fiscal cuminsando na inicio di 2020, den fase. Pa fin di 2019 e ley pa e sistema fiscal nobo mester ta na Staten. Tambe ta bay reforsa e instancianan responsabel pa cobra impuesto.

### Stimula inversion

Como cu e plan no ta contempla solamente mehora ‘prestacion’ di gobernacion, lo tin fondo nobo disponibel pa inverti den sectornan clave pa crecimiento economico. Pa esaki lo tin un fondo di 180 miyon florin Antiano, pa inversion “productivo y rendabel,” cu ta adicional na e fondonan ya anuncia pa 2019 - 2022. Ehecucion di e acuerdo lo ta den man di un comision conhunto cu mester keda instala ainda. Corsou ta comprometi pa percursa pa un agenda strategico di inversion pa september 2019 y despues cada seis luna ta aproba un agenda revisa pa e inversionnan productivo y rendabel.

Corsou ta haya espacio tambe pa uza parti di e beneficiannan di benta di propiedad pa inversion mientras cu e otro parti lo bay pa controla debe publico. Tambe un prestamo na 2,5% cu ta vence na 2020 por haya extension cu 10 aña mas. Relaciona cu e estimulacion di economia gobierno di e isla lo percursa pa optimalisa e proceso pa otorgamento di

permiso, cu mester tin resultado visibel na inicio di 2020 caba. Riba diferente tereno Hulanda lo duna asistencia entre otro tambe pa yega na un maneho strategico di explotacion di tereno. Pa guia e inversionnan lo crea un institucion nobo yama Invest-Corsou, den cual ta integra tambe Corsou Development Institute.

### Optimalisacion aparato publico

Pa 2019 caba Corsou mester cuminsa elabora un plan pa modernisacion di e aparato publico, mientras cu pa maart 2020 mester tin un plan strategico pa personal incluyendo un plan pa revision di procesonan administrativo y un calculo di gasto multi-anual. Pa e aña aki mester keda cla un plan pa implementa operacion di Recurso Humano y e instrumentonan disponibel. Tambe lo bin pa mas tarda na november 2019 un plan pa crea un Government Academy.

## Agentenan retira despues di investigacion di corrupcion y siguridad

**AMSTERDAM(DutchNews.nl) – Decena di polis a wordo retira di Cuerpo Policial den e ultimo simannan despues di un investigacion tocante corrupcion y violacion di secresia oficial, den medio di advertencia cu e revelacionnan ta representa e punto di e ijsberg.**

Un rapport cu a ser obteni pa e corant Algemeen Dagblad ta bisa cu e divisionnan di polis di e pais ta infiltra pa crimen organisa, cu 19 oficial na e centro di Hulanda cu un base na Utrecht cu tin vinculonnan criminal. Siman pasa, e corant a revela cu e gang lidera pa Ridouan Taghi, kende ta enfrentando un huicio pa trafica-cion di droga y cu a organisa varios asenatonan den mundo baho, tabatin conexionnan cu un di e oficialnan di rango halto na Utrecht.

E oficialnan a ser nombra den e testimonio di un testigo cu tabata bisto pa AD y desde e momento ey el a wordo retira despues di un investigacion. Na Limburg un oficial superior a ser suspendi pa comportacion potencialmente poco profesional y tres miembro di e ekipo a ser retira di servicio, despues di un investigacion di otro cuater miembronan di personal di polis cu a wordo suspendi na april. Un miembro di 55 aña di edad di e division di polis di Amsterdam a ser suspendi y a wordo retira siman pasa pa sospecho di corrupcion den oficina, e tabata manipulando computernan y

violando secresia oficial.

Esaki ta e di shete biaha den e ultimo dos lunanan cu un miembro di personal di polis na Amsterdam ta wordo suspendi pa profesionalmente comporta malo, den e incidentenan anterior, e empleadonan a wordo sanciona pa stalking, fraude, negligencia pa cumpli di nan deber y mal uzo di informacion di e computernan di polis. Jan Struijs presidente di sindicato di polis NPS, ta bisa cu e forsa mester ser mas resistente na influencianan criminal.

“Nos oficialnan ta wordo acerca pa criminalnan,” el a bisa. Esaki ta sosode den tur nivelnan. “E oficialnan mester ta capacita pa lidia cu esaki di un manera bon y responsabel”. Discriminacion di polisnan tambe a ser critica pa faya di atende un cultura di discriminacion y intimidacion despues cu Carel Boers a sali, kende a ser contrata pa duna conseho na e cuerpo tocante diversidad politico. Boers a bisa cu e tabata testigo di oficialnan cu tabata uza lenguahe despectivo contra ciudadanonan, incluyendo insultonan discriminatorio, y cu tabata

abiertamente despreciativo cu respet na coleganan cu minoria etnica.

Ta normal pa den Cuerpo Policial hendenan bisa: “Bosonan ta Marocano y nunca mi lo confia den boso”. El a skirbi den un carta pa Minister di Husticia Ferd Grapperhaus. El a acusa e hefe di Cuerpo Policial, Erik Akerboom di nenga pa reconoce of pa trata e problema. “E liderazgo di Erik Akerboom ta consisti di evita sistematicamente cualkier tipo di conflicto. Es mas importante pa e no comete erornan, pero pa haci lo corecto”.





## Demostracion contra matrimonio homosexual

**WILLEMSTAD (TheDailyHerald/VigilanteKorsou) – Un manifestacion contra legalisacion di matrimonio homosexual na Corsou a tuma luga, organisa pa Fundacion Ban Halsu e Tandarte, Aso-sashon Pastornan Kristian, y tambe Fundashon Proteha Famia diabierna ultimo.**

Entre 800 pa 1,000 persona a presenta na e protesta, cu a cuminsa cu un marcha for di Waaigat na Plaza Wilhelmina, unda varios lider religioso a hiba palabra. Varios miembro di Parlamento, tanto di partido di coalicion como di oposicion, tambe tabata presente.

E manifestantenan a entrega un lista cu e siguiente cinco preocupacion:

1- Cu gobierno lo adopta 'Comprehensive Sexual Education' (CSE) di Nacionnan Uni. Esaki lo tin como consecuencia cu muchanan di edad 8 aña bay ariba lo keda instrui con pa practica, entre otro, sexo oral, masturbacion, sexo homosexual y heterosexual, y tambe beneficianan di sterilizacion y aborto.

2- Cu Ideologia di Genero, cu ta trece confusion sexual y mental enorme den mucha y hobennan, particularmente esunnan den edad di pubertad, cu ta pasando den e fase di desaroyo di nan identidad.

3- Cu fuente di entrada, ora LGBT ricibi reconocemento y matrimonio homosexual keda acepta como normal den nos comunidad, cierto negoshi y trahadonan cu nenga di checuta trabounan relaciona cu matrimonio

homosexual, manera dorna bolo, print t-shirt, etc, lo por ribici boet of hasta perde nan trabou pa motibo di wordo considera discriminacion.

4- Cu desaroyo economico. Prosperidad ta mara na moralidad, famianan fuerte, cantidad di matrimonio exitoso cu yunan ta depende di dje, habilidad general di dominio propio y principionan di etica. Nos ti basta problema caba cu sex, malesa venerico, embarazo no desea, aborto y divorcio. Segun investigacion, relacion homosexual ta causa 40 biaha mas casonan di HIV cu heterosexual. Na Corsou, e remedi ta costa alrededor di 30 milyon pa aña.

5- Cu 'homo promo'. Con nos lo por bringa promocion di actonan homosexual y transgender si e ta legal? Gran mayoria di mayor no kier 'homo promo' pa nan yunan, pero nan lo ricibi sosten di gobierno pa para contra esaki?

6- Cu libertad di expresion. Tweede Kamer a pasa un mocion cu ta bisa cu 'homogeneizing wordt strafbar'. Ya caba nan a saca yudansa psicologico for di pakete di salubridad na Hulanda, pasobra nan a establece caba cu bo no por cambia bo atraccion sexual. Pero tin miles di homosexual a cambia pa heterosexual bek? Esunnan cu a ricibi yudansa no tabatin derecho di busca e yudansa ey? Y de futuro, con lo ta aki na Corsou, ora cu un persona kier busca e yudansa aki?

Esey ta e lista cu e manifestantenan a presenta.



**Pabien Serlimar**

**Upcycle Center**

524 4444  
info@yerausquin.com  
www.yerausquin.com  
f yerausquinaruba  
@yerausquinaruba

**YRAUSQUIN**



# Clasificado

## ECONOMICO

**Personal GRATIS max. 20 palabra**

PASA LAGA BO AVISO NA OFICINA DI BON DIA  
ARUBA WESTSTRAAT#22 FOR DI 9:00AM-4:00PM

Email nos na  
classified@cspnv.com

### TA BENDE

Commercial property in Bar-  
cadera, build-up 424 m2, land  
2400 m2 for \$337.000  
Tel. 593 6318

### SERVICIO PUBLICO

Gran FERIA di Fruta y Verdura  
na Rococo Plaza diahuebs,  
diabierna y diasabra 3 or te cu  
8 or anochi . Tur siman

### SERVICIO PUBLICO

ta yuda busca cas  
pa compra of huur  
Tel. 563 1449

### TA HUUR

La Cabana  
1 bdr sleep 4  
10 aug. 2019 for 1 week  
Tel.583 8132 / 641 6184

### SERVICIO PUBLICO

ta haci tur tipo di trabou  
di costurera  
Tel. 593 2085

### SERVICIO PUBLICO

Ta ofrece pa verf y chapi cura  
bon prijs. Nos ta hiba e sushi.  
Yama pa mas informacion na  
563 4828/5679610

### TA HUUR

Cas grandi na Playa di 3  
camber, sala, cushina, baño  
Fls.2000 p/l + deposito  
Tel. 594 8842

### TA HUUR

Oficina na Playa cu baño y  
propio parkeo di 3 auto 115 m2  
Fls.2300 discutibel  
Tel. 594 8842

### SERVICIO

Unified One Events  
Photos , films, wedding  
Tel. 749 2533

### TA BENDE

Toyota Yaris '07 Std. airco,  
motor 100% Fls.5700  
Ford Ranger XLT atm, airco blit  
Fls.5500  
Tel. 733 4448

### TA BENDE

un cas, 3 camber, 2 baño na  
Bushiri, Caya Soeur Meletia  
AWG. 375.000,=  
Tel: 592.9966

### SERVICIO PUBLICO

Sra. ta busca trabou den cuido  
di mucha y anciano y tambe  
limpieza di cas of oficina  
Tel. 749 6870

### SERVICIO PUBLICO

Buscando auto pa huur y na  
bon prijs? yama nos  
Tel. 593 9953/ 593 8453

### SERVICIO PUBLICO

Handyman  
pa tur trabou di verfmento,  
plumbing tuberia, chapi, limpieza  
di cura, drecha mata. contact.  
Tel. 568 3728

### SERVICIO PUBLICO

Barata Barata  
Nos ta chapi, lanta sushi, spuit  
veneno, corta mata, na bon prijs  
Arubiano balente  
Call 592 5766

### SERVICIO PUBLICO

Pa haci trabou di verf y chapi,  
tur mantencion di pafor di cas  
Yama y puntra pa Benito na  
Tel.593 0040

### Te Huur

Woonhuis plus Omheining  
2slaapkamer, 1badkamer  
keuken/woonkamer  
voor/achterporch Babijn 16B  
1800 florin P/M plus borg  
Tel.7417262

### TA HUUR

Per aug groot appartement  
1of 2 personen slaapkamer  
met airco inverter  
ongemeubileerd 1000,- p/m  
gemuebileerd 1200,- p/m  
excl. elektra & gas  
Tel. 747 2298

### SERVICIO PUBLICO

Christina God Gifted Spiritualist  
I specialize in love marriage  
I will reunite the separated  
I remove all evil negative  
energy  
I succeed where others have  
failed fast immediate results  
1-561-557-9540

### TA HUUR

La Cabana 1 bdr sleep 4  
8 aug. 2019 for 1 week  
Tel. 583 8132 / 641 6184

### GRATIS

Nos ta piki tur sorto di auto bieu,  
gratis. Tambe airco, bateria,  
stoof, wasmachin, frigidaire etc  
Tel. 561 4297 / 561 5179

### TA BENDE

Bonchi largo, conconber chiq-  
uito, berenhein, smoothie y mas.  
Goshen Farm, Alto Vista 52  
Tel. 587 9008

### SERVICIO PUBLICO

Masaje relajante, sports ma-  
sajes, aroma terapia, piedras  
calientes, reflexologia, faciales  
Sabana Basora # 157 P.Ch.  
Tel. 561 8520

### TA HUUR

entrante 25 di juli 2019  
ta huur studio apartment full  
muebla pa 1 persona please.  
Piedra Plat. Mas info por yama  
Tel.741 8637

### TA HUUR

Bachi pa tur ocasion  
Tel. 749 2533

### TA BENDE

un cas na Apelsinastraat di 3  
camber y 1 baño, un studio  
apartment, pa Fls.380.000  
Tel:593 6318

### TA BENDE

BBQ Grill tipo cilinder  
"criyoyo" duradero  
Prijs Afl.250  
Tel. 569 7787

### TA BENDE

Cas y Studio apart.  
3 camber, 1 baño, cushina,  
comedor, sala y veranda  
Prijs Afl.195.000.00  
Tel.588 2942 / 593 2578

### SERVICIO PUBLICO

Handyman pa trabou di: Verf-  
mento, plumbing, tuberia, chapi  
limpieza di cura, drecha mata  
Tel. 568 3728

### TA BENDE

un cas na Caya Solo/ Tarabana  
Residence di 3 camber y 2  
baño, pa Fls.350.000 yama na  
Tel. 593 6318

### TA BUSCA

Señora ta busca trabou  
domestico (limpieza di cas)di  
dialuna pa diabierna  
Tel.746 5697

### GARAGE SALE

Tremendo Garage Sale  
cu hopi cos di cas bunita, bon  
prijs. Lugar Meiveld 47A (cas  
berde) diasabra 6 y diadomingo  
7 di juli, di 10am -5pm  
Tel.630 6301 (location)

### TA HUUR

una habitación amueblada, con  
todo incluido en Playa  
Tel.564 1979

### SERVICIO PUBLICO

Se ofrece servicio de reparacion  
e instalacion de aires acondicio-  
nados Split e industrial tambien  
reparamos frigidaire, cuartos  
frios y fabricantes de hielo  
Tel. 600 0750

### TA HUUR

Apto 1 camber y mei, cushina,  
baño, entrada priva, full muebla  
pa un pareha Fl.1100 excl. utl  
Tel.566 6849

### SERVICIO PUBLICO

recojemos todo tipo de basura  
(nevera, estufa, etc)  
Tel. 564 1979

### SERVICIO PUBLICO

Ta haci tur trabou di  
construccion y carpinteria y tur  
cos cu ta furamento di stul  
Tel : 746 0518

### TA BUSCA

Trabou como ayudante  
di cushina  
Tel. 641 3811

### TA HUUR

Studio Apart. pa 1 persona  
inclui utl. exclui electr. na  
San Nicolas 650 p/l + dest/  
Disponibile 1 juni  
Tel : 584 1008 / 563 9483 /  
594 2502

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI

## MAS CERCA DI BO!



Yena aki bao e siguiente informacion

### Telefon

Number completo: .....

Adres di entrega: .....

Adres di cobranza: .....

### Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

Yama na telefon: 582-7800 of manda un email na accounting@bondia.com  
www.bondia.com



*Ruthy Vrieswijk-Bergen:*

## ‘Bon dia yen di alegria’

**ORANJESTAD - Ken ta corda Don Vale Croes, nos gran comediante, awe den feliz memoria ? Ta masha hopi hende a gosa di Vale Croes su One man shownan, nochinan di conta chistenan pret pone tur hende den publico hari bay off.**

Algun tempo atras nan a tene un anochi di homenahe na su memoria den Paseo Herencia. Su bunita famia a ricibi esaki cu hopi amor y cariño pa nan esposo, tata y welo. Awe, den 2019 nos tin varios persona cu tambe ta comediantenan cu nan jokenan pret y tin biaha dobel sinti. Recientemente nos por a gosa di e One woman show di e comediante femenino nr. 1 Angelique Stuger, kende a celebra su cumpleaños cu su publico gosando cu hopi harimento y den fin di siman cu ta trai lomba Lady Ruth a hari bay off atrobe, e biaha aki cu un bunita anochi di Stand Up Special “A Piece of my Mind” den e prestigioso Crystal Theater. E anochi a habri cu dushi musica di e banda Honey Pot y despues e hoben comediante Jorge Croes a subi e stage y a conta su jokenan na Ingles e biaha aki, como antesala di e presentacion na Ingles di un otro comediante popular Jeff Maduro. Tur dos a carga nan publico den nan mannan cu boshi harimento. Hopi di e joke nan ta cosnan pret cu a pasa cu nan den nan bida diario cu nan ta comparti den nan formanan unico yen di smaak. E presentacionnan den e idioma Ingles a cana hopi bon, un Ingles simpel y comprendibel sin mucho palabranan sofistica of complica. Ta bon mes cu ta siña Ingles tambe na scol. Nos ta un isla turistico.

Bo por a ripara na e harimento di e publico, cu mayoria of tur a comprende e jokenan. Lady Ruth ta corda dia el a bay un Comedy show na Ingles na un di e hotelnan hopi aña pasa y e no a comprende ni un ! E Ingles tawata



super rapido cu palabranan complica tin biaha, y ta te na final di e anochi el a catch e ultimo joke cu e tambe por a gaña di hari un crenchi ! Pero nos co-

mediantenan Jorge Croes y Jeff Maduro a conta nan joke den un dushi Ingles cu tur hende por a comprende. E biaha aki tawata tin varios persona

di paisnan de habla Ingles presente y pa nan sigur tawata hopi facil scucha e Ingles di expresion di Jorge y Jeff. Tawata un otro dushi fin di siman pues cu varios bunita actividad atrobe pa nos, nos a gosa di e dushi comedy show Stand up special aki sigur. Nos a haya chens tambe den fin di siman di a bay gosa di un dushi caramel frappuccino na Smit & Dorlas den e edificio grandi luhoso di “Amc Unicorn” situa na boulevard cu ta nobo recien habri y a keda impresiona cu e bon servicio cu sonrisa, sinta meymey di cosnan bunita di Home & Nature. Nos pabien na Karin y Dennis Wever cu nan joya di un Koffie corner di Smit & Dorlas cynan. Ta dushi pa por varia den luga di bebe un koffie, sea friu of cayente cu un dushi broodje of dushi pida bolo. E luganan di bebe koffie ta hopi in na Aruba, ta lanta manera paddenstoel, pero semper tin varios cu ta destaca. Nos preferido ta Coffee House di Smit & Dorlas situa den La Sallestraat, y awor nos por drop in de bes en cuando tambe na Smit & Dorlas situa den Amc Unicorn, depende di e ruta riba cual nos ta e momento ey.

Competencia por ta sano, pero mayoria ta bay na unda e servicio ta excelente y e koffie y pasa bocanan mas economico y prijsnan na florin, toch ? Lady Ruth cu ta pensionado sigur ! Pensionado di edad caba, pero riba papel ainda, cu otro aña Dios mediante lo cuminsa ricibi su pensioen, cu e reglamentonan nobo di e cantidad di aña cu bo a cumpli etc. Por ta tin mesun cantidad di logra di koffie cu tin rotonde , hahahahahaa! Shonnan carga pasenshi cu tur e construcion di caminda cu ta tumando luga . Ban sigui core auto cu cuidao . Y no manda message of papia na bo celular mientras bo ta stuur . Evita accidente. Bon dia yen di alegria y un bon siman pa nos tur. Danki pa lesa nos relato semanal cu amor y atencion ! Love you !





## Dos auto a dal contra otro pa falta di preferencia



**ORANJESTAD** - Na e t-weg banda di Cayena Mall riba Caya Betico Croes a sosode un accidente pa falta di duna preferencia.

Chauffeur di un Suzuki jeep a subi caminda dal den un Toyota Yaris. E impacto a laga persona levemente herida. Daño material tabata considerabel.



## Chauffeur a perde control y bolter cay den rooi

**CALABAS** - Riba e caminda di Calabas pa Jaburibari diadomingo atardi un chauffeur den un Kia Rio a perde control pa un of otro motibo tras di stuur y a medio baha caminda, pero ora cu el a subi bek e chauffeur no por a controla e stuur y a perde control cay den e rooi pariba di caminda.

E chauffeur a logra sali cu ayudo di un chauffeur cu a mira e sucedido a core baha pa yuda e señora den e Kia Rio. Polis di trafico tabata presente, y roadservise a keda encarga cu e accidente.



## Chauffeur bou influencia di alcohol a dal contra vangrail



**ORANJESTAD** - Diasabra marduga chauffeur masculino den un terrios a dal den vangrail banda di Cayena Mall y a intenta di bay.

Polis a yega di biaha na e sitio y topa cu e homber den e caya pazuid di Cayena Mall. A atende cu e homber y e no tabata por a ni para riba su pia, a realiza un test na e sitio di alcohol y a surpasa e limite.

E homber a keda deteni pa core auto burachi, no por lag'e bay asina pa bay ocasiona algo mas pio.



## Accidente serio na Kibaima, impacto a benta persona riba caminda

**SANTA CRUZ** - Dialuna merdia riba caminda di Kibaima poco panort di ex drive inn a sosode un accidente serio entre un autobus y un auto particular.

Aki ta unda cu velocidad halto a hunga un rol caminda cu e autobus bayendo nort a bay pasa un vehiculo y bay dal contra un Kia Rio biniendo for di nort. E impacto fuerte a haci cu un persona a keda saca for di e autobus y cay riba caminda. Ambulancen tabata na e sitio y paramediconan a brinda asistencia na e victimanan. Polis di trafico a yega na e sitio pa haci nan investigacion.



## Dos auto accidenta na rotonde Sasaki



**SASAKI** - Dialuna mainta na rotonde Sasaki un jeep safari a accidenta contra di un Yaris.

Ambos vehiculo a keda kibra y debi na e sla un persona a keda herida. Ambulance tabata presente na e sitio y paramediconan a brinda asistencia na e victima. Despues roadservise y polis a keda yama pa atende cu e accidente.



## Auto a bolter na Tanki Leendert

**TANKI LEENDERT** - Dialuna mainta pazuid di retraco na Tanki Leendert e chauffeur di un kia picanto a perde control y dal den waya cu ta sostene palo di luz y a bolter.

Un persona a resulta herida, ambulance a acudi na e sitio y paramediconan a brinda asistencia medico na e victima. Roadservice y polis di trafico tabata presente pa atende cu e caso.





## Intercambio di prizonero entre Ucrania y Rusia den limbo



**MOSCU (AP) — Un intercambio masha anticipa entre Rusia y Ucrania a bira incierto ayera despues cu un corte Ukraniano a pospone un audiencia cu tabata spera pa libera un**

**periodista Ruso deteni.**

Rusia y Ucrania tabata na caminda pa lansa un intercambio di prizonero involucrando e periodista Ruso y 24 Ukraniano captura den e

lama di Azov december ultimo, ora cu e enviado pa derechonan humano di Rusia, Svetlana Moskalkova, a yega Ucrania dialuna pa un bishita inusual.

A invita Moskalkova pa presencia un audiencia di corte na Kiev ayera tardi cu tabata spera di duna veredicto riba detencion di periodista Ruso, Kirill Vyshinskiy, kende ta den custodia pa un aña enfrentando cargo di traicion.

E actividad rond di e prizoneronan ta yega despues di e prome yamada siman pasa entre presidente Ruso, Vladimir Putin y presidente Ukraniano, Volodymyr Zelenskyy. Moskalkova a bisa cu el a pensa cu e yamada a duna impetus pa cuminsa dialogo,

y cu e corte na Kiev por ta bou presion pa no duna veredicto ayera.

Nobato di politica y ex comediante Zelenskyy, kende a keda eligi na mei, a bisa cu e liberacion di Ukranianonan den custodia Ruso ta un di e prioridadnan mas urgente di su presidencia.

Gobierno Ukraniano ta luchando contra separatistanan sosteni pa Rusia den oost di e ciudad desde 2014, ora Rusia a anexa e península di Crimea. Decenas di Ukraniano incluyendo un director di pelicula a bay huicio y a keda condena den locual ta percibi como casonan cu motivacion politico.

Decenas di ciudadano Ruso y

sostenedo di e separatistanan ta den custodia Ukraniano, enfrentando cargo di traicion y incita separatismo.

E decision abrupto di e corte a resalta division entre gobierno Ukraniano. Fiscal General, Yuri Lutsenko, un di e oponentenan mas influyente di Zelenskyy den poder, a bisa cu e posibel entrega di Vyshinskiy pa Rusia ta ‘imposibel’ pasobra e tin dobel nacionalidad, Ruso y Ukraniano.

Halem Desir, representante pa libertad di prensa na e Organizacion pa Siguridad y Cooperacion na Europa, den un tweet a expresa speranza cu Vyshinskiy lo keda libera den e proximo audiencia.

## Activista ta protesta contra construccion di telescop riba tera sagrado

**HAWAII (AP) – Centenares di activista a uni na e base di Hawaii su sero mas halto pa protesta e construccion di un telescop grandi na e tera cu mayoria di persona nativo di Hawaii ta considera como sagrado.**

Trahado estatal y local lo purba cera e caminda di Mauna Kea, pa asina e truck hibando ekipo di construccion por yega ariba. Trahado ta bisa cu cualkier cu kibra ley lo ser procesa.

Manifestante cu a yega di blokia e caminda pa evita construccion a keda aresta. Cientifico ta spera cu telescop enorme por yuda observa e momento ‘husto despues di e big bang’ y duna contesta

fundamental di universo.

Pa hendenan nativo di Hawaii, Mauna Kea ta considera tera santo, como un luga di adoracion. Grupo di activista a canta y resa na e base di e sero. “Esaki ta e patria di Hawaii, nos no ta den nan caminda, nos no ta kibrando ningun ley, tur ta riba nan ceremonia”, segun Kealoha Pisciotto, un lider di manifestacion.

E proyecto di telescop a retrasa pa varios aña di lucha y demostracion legal. Cientifico a scoge Mauna Kea na 2009, despues di buskeda mundial di 5 aña. Construccion a stop na 2015 despues cu manifestante a ser hiba prizon pa blokia e trabou.

Un di dos biaha a purba pa bolbe haci e trabou di construccion, algun luna despues a hiba mas persona prizon. Corte supremo di Hawaii a dicta cu e construccion ta legal, permiso ta legal y e ciudad a duna luz berde pa e compania di telescop sigui cu nan trabou.

Gobernador di Hawaii, David Ige, a bisa cu lo uza unidad di Guardia Nacional pa transporte di personal pa cumpli cu algun ceramento di caminda, pero no lo uza capacidad di aplicacion di ley durante protesta plania.

Den un conferencia di prensa, Ige a bisa cu ta respeta e dere-

cho di persona pa protesta na e luga di telescop pero ‘nan tin cu comporta legalmente’. “Nos prioridad number un ta mantene tur hende sigur y pa trahado di e construccion por tin acceso sin ningun problema na e luga di telescop”, Ige a bisa.



## Supremacista ta enfrenta su di dos sentencia



**VIRGINIA (AP) – Na Charlottesville, un homber a ser sentencia pa bida den prizon pa cargo federal di crimen di odio, pa core su auto y dal manifestante cu tabata protesta contra racismo. Hues por agrega otro sentencia di bida den prizon, mas 419 aña.**

James Alex Fields Jr. di 22 aña di edad ta sentencia pa mata un persona y a herida decenas durante un manifestacion di ‘Unite the Right’ na e ciudad, dia 12 di augustus di 2017. Luna pasa, Fields a ricibi un castigo pa 29 cargo federal.

Nan ta spera cu e persona cu a keda herida na e atake, y famia di e hende muhe cu a fayece, haci nan declaracion di impacto durante audiencia na tribunal di Charlottesville. Fields, un supremacista blanco kende tabatin un potret di Adolf Hitler na su mesa, a declara cu el a sali for di su casa na Maumee, Ohio, pa asisti na e manifestacion.

Confrontacion entre e protesta y contraprotesta a haci cu polis a declara e asamblea ilegal y ordena grupo pa disolve prome cu nan por cuminsa cu e manifestacion. E

mesun dia, Fields a cuminsa core su auto, trapando riba Heather Heyer, di 32 aña, y a herida mas di 2 dozijn di persona. E evento lanta tension pa cu racismo na henter e pais.

Presidente Donald Trump a provoca controversia ora el a culpa e violencia di e manifestacion riba ‘ambos partido’, un declaracion cu critico a considera como un fayto pa condena racismo. Durante e huicio di Fields, abogado a centra den historial di malesa mental y un infancia traumatico.





**BLT STEAK**

*Date Night*

AT BLT STEAK

HAVE A SPECIAL NIGHT OUT AND SAVOR A THREE-COURSE MENU FOR \$65 PER PERSON

BLT Steak  
The Ritz-Carlton, Aruba  
L.G. Smith Boulevard #107,  
Palm Beach  
+297.527.2399

EXCLUSIVELY ON MONDAYS  
STARTING AT 8PM

## Brenda Biezen-Croes Empleado di luna di Hospital



**ORANJESTAD – Recientemente Coleganan y famia a bini hunto pa sorprende Brenda Biezen-Croes, zorgmanager di Radiologia cu a wordo reconoci como empleado di luna di juni na Hospital. Director di cuido sr. Ezzard Cilié a felicit'e y a gradici Brenda pa tur e trabou e ta desplega. Ela encontra hopi reto y a desaroya su mes hopi den su carera na Hospital.**

Brenda tin 2 aña trahando como zorgmanager di Radiologia cual ta un departamento hopi tecnico. Den corto tempo Brenda a demostra di por mancha cambionan dinamico incluso implementa proyecto na beneficio di pashent manera Interventie Cardiologie. Na prome lugá e ta enfoca na duna servicio na pashent y tambe semper e ta purba inclui e deseo y

necesidadnan di coleganan. Brenda mes ta atende pashentnan ora nan tin pregunta of ta rabia. E ta compronde cu den un organisacion grandi manera HOH nos ta depende di otro pa diferente asunto. E tin hopi pasenshi y perseverancia pa cu su trabou. Brenda ta un persona profesional, flexibel y ta gusta siña y crece den su conocimiento. E ta scucha su coleganan y ta yuda unda cu e por. Hasta e ta involucra den actividadnan manera Siman di Enfermeria y Songfestival. Ademas, e ta dedica su tempo liber pa studia pa su MBA na Universidad di Aruba. Brenda ta un persona leal, colegial y critico. E combinacion bunita aki a yud'e crece hopi den su carera. Brenda a demostra di ta un ehempel pa nos tur.

“Ora cu mi a habri porta y mira mi yiu para, mi ta manera hey, something



seems different”, Brenda a duna di conoce. Esaki tabata un sorpresa hopi bunita y no spera.

El a duna di conoce cu sin e team siguramente e no lo a bay dilanti, pasobra nan ta un grupo hopi “close” y un ta yuda otro pa por logra yega na nan meta. Pa por a yega unda e ta awendia, el a pasa den hopi reto. Di cada cos el a siña, unda e ta siña di foutnan y ta purba keda mehora pa bira mas miho. Su meta ta pa nunca keda atras, pero pa keda mira dilanti y keda positivo pa

yega na un meta miho.

Brenda semper tin un lugá special den nan curason mescos cu tur otro empleado, asina Olga Rodriguez, clustermanager na Hospital, a duna di conoce. Den e ultimo añanan Brenda a demostra di ta un persona cu por conta riba dje. E ta un persona hopi capacita y tin hopi interes den su funcion. E tin dedicacion pa su coleganan y e sosten cu mester duna pa e departamento por sigui desaroya. Pabien Brenda cu e bunita reconocimiento!





## FAVI cu actividadnan durante vakantie pa muchanan

**ORANJESTAD -** Recientemente Fundacion Favi a organisa actividadnan pa tanto e muchanan como amigonan di FAVI pa asina nan pasa un rato ameno y informativo durante di e vakantie.

E grupo di muchanan a haci bishita na Museum of industry, Biblioteca San Nicolas y na a pasa Burger King tambe. E di dos dia e muchanan a haci un camping na Cura Cabai beach. Aki ta unda cu nan a purba di catch pisca, pero sin resultado.

Muchanan di FAVI y amigonan di FAVI a disfruta dushi di nan dianan di vakantie.





**TUI**  
*Discover your smile*



**SO MANY REASONS WHY**

'Cu TUI su reglanan y condicionnan flexibel di ekipahe, mi tin garantia cu mi por biaha cu tur mi ekiponan di surf riba e vuelo pa mi siguiente competencia di "Windsurfing" den exterior. Mas libertad pa mi paketa pa mi biahe ta significa menos stres pa mi'


TUI Discover your smile!

PA MAS INFORMACION BISHITA TULAW OF YAMA NOS NA 582-0804



TOUR DE FRANCE

Van Aert ta sorprende tur sprinter den etapa 10



ALBI (Guardian/Telegraph) – Etapa 10 di Tour de France a trece e sorpresa cu a spera mas bien di e etapanan den sero halto cu ta bin e siman aki. Cu un biento hopi fuerte tabatin varios coredo dilanti den clasificacion general cu no tabata core atento y ora e peloton a kibra den varios pida, solamente esnan cu tabata den e prome grupo por a spera mantene nan posicion.

E sorpresa di dia tabata atrobe e ekipo mayoritariamente Hulandes Jumbo-Visma, cu a mira su miho sprinter Dylan Groenewegen cay atras riba un di su dlanan menos bon, pero Wout Van Aert, e hoben Belga, tres bes campeon mundial den cyclocross, den su prome Tour a tuma rienda den e kilometro final, probechando bon di e 'trein' di Sunweb pa nan sprinter Michael Matthews cu atrobe a decepciona. Van Aert a ataca tempran, faltando 250 metro y a para un atake di Elia Viviani y a resta algun centimetro di bentaha pa un photofinish. E otro candidatonan den prome fila, Michael Matthews, Caleb Ewan y Peter Sagan, no tabatin e energia pa disputa e prome puesto, den un etapa unda biento fuerte y velocidad halto a 'pay off' pa esnan cu a sa di reserva energia miho. Esaki ta di cuatro victoria pa Jumbo-Visma pa loke ta muestra como e exito mas grandi pa un ekipo Hulandes den hopi aña. Fuera di e victorianan, Steven Kruiswijk ta na posicion 4 den clasificacion general, cu bon perspectiva pa e alto montaña cu ta spera e coredonan e siman aki.

Di e prome 10 clasifica coredonan manera Jakob Fuglsang, George Bennet, Rigoberto Uran, entre otro, a perde como un minuut y mey of mas riba lider Alaphilippe cu si tabata paga tino, igualmente campeon 2018 Geraint Thomas, su compañero Egan Bernal, y Steven Kruiswijk, cu a posiciona na cabes di e clasificacion despues di Alaphilippe. Emanuel Buchmann, Enric Mas, Adam Yates, Nairo Quintana, Dan Martin y Thibaut Pinot ta completa e top 10 nobo di clasificacion general. E diferencia entre lider y number 10 Pinot a crece te na 2:33.

Den clasificacion pa punto no a bin cambio; e camiseta berde ta firme den man di Peter Sagan. Categoria di montaña tin ainda Tim Wellens como lider y e jersey di miho hoben ta pa e Colombiano Egan Bernal di Team Ineos.

**Dia di descanso y etapa 11 Albi - Toulouse**  
Awe e coredonan tin e prome dia di descanso, mientras cu mañan tin un ultimo careda den tereno plat prome cu e prome bataya den sero halto ta cuminsa diahuebs. Etapa 11 ta hiba e coredonan di Albi pa Toulouse (167 km) cu ta bira otro oportunidad pa e sprinternan cu probecha miho di nan descanso. Tin dos sero di categoria 3 y 4 den prome parti di e trayecto, pero den ultimo kilometronan ta baha pa cayanan di Toulouse pa un final completamente den plano. Probablemente lo bin un cambio den e strategia di ekipo Sunweb cu varios biaha caba a pone nan trein dilanti pa Michael Matthews, pero cu tambe a haci e trabao facil pa otro candidatonan cu a sinta den nan streamline warda te ora nan caba di haci nan trabao y ta laga Matthews sinta tras di su leadout man sin e 'punch' necesario pa gana. Asina por mira e contradiccion di e ekipo cu mas trabao colectivo ta haci den final di careda ainda ta sin un victoria.



# Regla y Regulacion


ARTICULO	LOKE TA WORDO ACEPTA	PREPARACION	NO RECICLABLE
<b>Corant</b>	Tur tipo di corant.	Kita banchi di lastik, plastic, envoltura of waya. No mara e corantnan den un bundel.	<b>NO TA PERMITI:</b> buki di telefon, revista, papel mixto, resto di papel, papel di oficina, papel geshred, buki.
<b>Carton y saco di papel</b>	Caha coruga, manera caha di cereal, caha di sapato, caha di webo di carton, saco di papel.	<b>POR FAVOR:</b> corta of placha tur tamaño di caha. Kita tur plastic di tur caha.	<b>NO TA PERMITI:</b> resto di cuminda, caha no placha, carton di lechi of juice, carton cu wax.
<b>Aluminio y metal</b>	Bleki di aluminio y metal.	Kita <b>TUR</b> resto di cuminda, tapa of tapadera. No ta necesario pa kita label.	<b>NO TA PERMITI:</b> bleki di aerosol of verf, resto di metal, rand di bentana, mueble di aluminio etc.
<b>Plastic #1 pa #7</b>	#1 PETE boter di plastic #2 HDPE plastic #4 LDPE tapa di plastic #5 PP plastic #6 PS plastic di Styrofoam #7 PLA, #ABS, Nylon	Kita <b>TUR</b> resto di cuminda di e plastic.	<b>NO TA PERMITI:</b> wrap di plastic, saco di plastic, cos di hunga of muebles di plastic, PVC den e container.
<b>Pallet</b>	Tur pallet di palo den bon condicion. Maximo 10 pallet pa cada biaha.	Haci <b>TUR</b> pallet di palo limpi prome cu deposita esaki. No ta necesario pa torno e palletnan.	<b>NO TA PERMITI:</b> pallet kibra of dañá, ni cu comehein, fruminga of otro animalnan cu ta come palo.
<b>Muebles bieu</b>	Tur muebles den bon condicion.	Haci <b>TUR</b> muebles limpi prome cu deposita esaki.	<b>NO TA PERMITI:</b> muebles kibra of hopi dañá. No ta acepta aparato electronico.
<b>Tela, cos di hunga y sapato</b>	Tur tela, cos di hunga y sapato den bon condicion.	Laba <b>TUR</b> tela y limpia tur cos di hunga y sapato.	<b>NO TA PERMITI:</b> tela, paña, cos di hunga, sapato kibra of dañá.

## No lubida:

1. Por favor, paga motor di bo vehiculo unabes paden di e Upcycle Center.
2. Por favor limpia tur container y kita tur tapa of tapadera di boter. No ta necesario pa kita e labelnan.
3. Pone tur loke ta pa recycle, los (no den saco of caha) den e containernan destina pa esakinan.
4. No laga caha, saco of otro material pafo di e containernan di reciclahe.
5. Hiba tur loke no ta reciclable bek cas y deshaci di nan como sushi of hiba e materialnan mas grandi na nos area di PTS na Parkietenbos.
6. No ta acepta desperdicio toxico of dañino. Por deposita azeta di motor y azeta di cushina na e area di PTS na Parkietenbos.



## Atleta Chines ta gana di tres titulo mundial den 10m sincro



**GWANGJU, Sur Korea (AP) —** Buceado Chines, **Chen Aisen a gana su di tres titulo mundial consecutivo, trahando hunto cu Cao Yuan den e evento**

**di salto di plataforma sincronisa 10m masculino ayera.**

China a hiba su total den e campeonato mundial di landamento aki na shete medaya di oro den eventonan di salto, mientras Wang Han y Shi Tingmao a logra prome luga den e evento di 3m springboard sincronisa femenino.

Chen y Cao a ricibi 486.93 punto pa vence e medayistanan di silver, Aleksandr Bondar y Viktor Minibaev di Rusia, kende a ricibi 444.60. Tom Daley y Matty Lee di Reino Uni a tuma brons cu 425.91 punto.

Chen, un dobel campeon

Olimpico, awo a gana oro den campeonato mundial den e evento cu tres diferente partner. El a gana su prome titulo cu Lin Yue na 2015 y despues cu Yang Hao na 2017.

Pa Cao tabata su segundo oro na Gwangju, ya cu tambe el a gana e evento di 3m springboard masculino diasabra.

Anteriormente, Wang y Shi a bula perfecto pa gana e evento femenino cu 342.000 punto.

Melissa Citrini Beaulieu y Jennifer Abel di Canada a gana silver cu 311.10 punto, mientras Paola Espinosa Sanchez y Melany Hernandez Torres di Mexico a bay cu brons cu 294.90 punto.

## Ramsey lo por hunga prome partido cu Juventus contra Tottenham

**TURIN, Italia (AP) —** Aaron Ramsey lo por hunga su prome partido pa Juventus contra un enemigo familiar, si e recupera di un lesion na tempo. Ramsey a uni Juventus e luna aki cu un contract di 4 año despues di sali di Arsenal cu transferencia liber ora su contract a caduca.

E centrocampista ta recuperando di un lesion di tendon cual el a sufri den quart final di Liga Europa, y lo tin un decision ‘den e proximo dianan’ si e ta bay cu Juventus den e tour pre-temporada na Asia — unda e prome partido lo ta contra e rival nort Londines di Arsenal, esta Tottenham. Juventus ta enfrenta Tottenham na Singapore dia 21 di

juli.

Ramsey, kende tabata cu Arsenal desde 2008, a bay di acuerdo pa uni Juventus na februari. Sinembargo, e Gales ainda tabata impresionado ora su prome palabranan na un conferencia di prensa tabata Italiano.

Ramsey, di 28 año di edad, a bisa cu algun otro club a expresa interes, pero cu tabata un decision facil pa bay cu Juventus. Juventus a gana e titulo di Serie A den e ultimo ocho temporada, como tambe cuater Cup Italiano, pero ta desea exito den Champions League.

E club no a gana e competencia di club premier desde 1996, maske a keda finalista

cinco biaha — incluyendo dos den e ultimo cuater año.

Hasta contrata Cristiano Ronaldo ultimo berano no a yuda, ya cu Juventus a keda elimina pa Ajax den quart final, cual na final a conduci na retiro di Massimiliano Allegri como coach na fin di temporada, y re-contrata Maurizio Sarri.

Sarri tabata coach di Chelsea ultimo temporada, y a mira su team vence Arsenal 4-1 den e final di Liga Europa — cu Ramsey lesiona.

“Mi ta kere di loke mi a mira ultimo temporada, e tabatin un bon temporada na Chelsea”, Ramsey a bisa. “E tabata definitivamente un exito, y mi ta spera e por trece su filosofia y estilo na e team aki.”



## Pitcher di Mets, Wheeler riba lista di lesionado



**NEW YORK (AP) —** Pitcher di Mets, Zack Wheeler a wordo poni riba e lista di lesionado pa 10 dia pa motibo di fatiga di schouder, cual lo complica esfuersonan pa e team fuera di contencion intercambia e atleta prome cu e fecha limite di dia 31 di juli proximo.

New York a haci e movida retroactivo pa diabierna, y Wheeler lo ta eligibel pa ta activa dia 22 di juli.

Wheeler a cuminsa ultimo biaha dia 7 di juli, y e Mets a bisa ayera cu a descubri e lesion despues di e break di

All-Star. Steven Matz lo reemplaza Wheeler pa e apertura di e serie awe na Minnesota.

Wheeler ta 6-6 cu 4.69 ERA den 19 cuminsamento e temporada aki, cu 130 strike out y 34 cana den 119 inning. E atleta di 29 año di edad, 39-36 den cinco temporada di liga mayor, ta eligibel pa agencia liber despues di Serie Mundial.

New York (42-51) a gana dos of tres na Miami ultimo weekend den un encuentro di e teamnan cu e dos pio record den Liga Nacional.



## Gihae Tang Soo a gana varios medaya na Panama

**ORANJESTAD –** Siman pasa un delegacion di Aruba Tang Soo Do Federation y Gihae Tang Soo do Studio a sali pa asina participa na e competencia 17th Regional Championship di World Tang Soo Do Association na Panama bou Guia di Master Melissa Noguera.

E campeonato ta wordo organisa pa Region #18 Centroamericano y di Caribe di WTSDA. Tawatin varios pais competiendone incluyendo Costa Rica, Panama Puerto rico, Mexico, Merca y Aruba. Cu un total di 200 participante. E number di atletanan representando den e seleccion di Aruba tawata Jaileen Tromp 1st Dan, Shanro Thomas 1st Dan, Joshua Paimino 2nd Dan y Gilberto Boerleider 3rd Dan. Tambe tabata tin 12 alumnonan di Gihae Tang Soo do cu a competi na e campeonato aki.

E competencia mes a tuma luga diasabra 13 di juli na domo

Di universidad di Panama. Cu solamente 16 participante Aruba a logra un total di

21 medaya di oro  
11 medaya di zilver  
4 medaya di brons  
4 grandchampion den faha di color  
Grandchampion Junior Male Black Belt Division  
Grandchampion Senior Male Black Belr Division

E seleccion a trece como resultado: Jaileen Tromp oro Hyung  
zilver den weapon Hyung  
zilver sparring

Joshua Palomino oro pa weapon Forms, zilver forms  
oro pa sparring  
Runner up Grandchampion Male Junior black belt division

Shanro oro hyung  
weapon hyung  
Sparring  
Grandchampion junior black belt division 16 years and under

Gilberto Boerleider oro hyungs  
oro weapon Hyung  
zilver sparring.

Grandchampion adult black belt division 17 -35 years

Resultado Grupo Gihae Tang Soo Do studio Aruba  
Florian van Oosten oro hyungs y sparring  
Elijah Hernandez oro hyungs y sparring

David Koolman bronze hyung  
zilver sparring

Abbygail Wever oro hyung  
bronze sparring

Eline Marie Hernandez bronze hyung  
zilver sparring

Aline van der Sloot zilver hyung  
sparring

Roos van der Sloot oro hyung  
sparring

Grandchampion Female Orange Belt Division

Jayden Dirks oro hyung  
zilver sparring

Juninho da Silva oro hyung  
sparring  
Grandchampion Male Orange Belt Division

Christian Sanchez zilver hyung  
bronze sparring

Hayley Morenk oro weapon Hyung  
oro hyung  
sparring  
Grandchampion Female Brown Belt division

Jady Franken oro weapon Hyung  
zilver hyung  
oro sparring  
Grandchampion Female Red Belt Division

Aruba Tang Soo Do Federation kier a gradici e comision di subsidio y Lotto pa Deporte pa e gran aporte ricibi. Y Asina sigui engrandecere e deporte di World Tang Soo Do y desaroyo di nos atletanan. na augustus lo combina atrobe cu lesnan di Gihae Tang Soo Do pa mas informacion por yama na 5939881.





**MEGA PLUS**

Cumpra bo Mini Mega y cu Afl. 2,- mas,  
bo por gana e jackpot di

# 1.150.000,-

Con?



Afl. 800.000,-

+




Extra!

Afl. 350.000,-

www.lottoaruba.com

Pa mas informacion yama 525-7555 of bishita nos website [lottoaruba.com](http://lottoaruba.com)



*Parlamentario Marisol Lopez-Tromp (POR):*

## ‘Un Fondo di Caretera y Infraestructura ta di vital importancia pa desaroyo di Aruba’



**ORANJESTAD - Lider di Fraccion di POR den Parlamento, Marisol Lopez-Tromp na inicio di e luna aki a manda un carta pa ministernan Otmar Oduber y Xiomara Maduro cu un serie di pregunta relaciona cu fondonan pa careteranan y infraestructura.**

Den e carta aki e ta haci un serie di pregunta relaciona cu e dos areanan importante aki pa desaroyo di nos isla y ta indica cu lo ta di vital importancia pa bin cu un Wegen en Infrastructuur FONds (WIF), manera a conoce den pasado na momento cu Lopez-Tromp tabata minister di Infraestructura pa medio di cual a logra traha hopi caminda cada aña y cu lamentablemente a wordo para durante Gabinetenan Eman.

Consecuencia di esaki ta cu no tabatin un forma structura y eficiente pa

por dedica na e inversion di mantencion, renobacion y construccion di careteranan y su infraestructura. Lamentablemente hopi caretera a bay atras y nunca a dedica e fondonan necesario pa evita esaki.

Cu un Fondo di Caretera, WIF, pais Aruba por conta cu fondonan aproba y predetermina cu ta wordo dedica especificamente pa caretera y infraestructura. Logrando esaki e instancianan concerni por traha na un forma structural y segun un schedule riba e mantencion, renobacion y construccion di careteranan y nan infraestructura segun e necesidadnan di cada area.

Manera Lopez-Tromp ta bisa, e desaroyo di e parti aki ta hopi importante y ta forma parti integral di un desaroyo economico. “Un desaroyo economico sin cu e bay pareu cu un desaroyo di nos careteranan y nos

infraestructura no lo ta esun di mas optimal y lo por wordo afecta hopi lihe. Ademá, Gabinete Wever-Croes su meta principal ta pa pone nos hendenan central y parti di dje tambe ta nos careteranan y infraestructura, ya cu e ta contribui hopi na mehora y eleva e calidad di bida di nos hendenan, sin laga afo e parti di salud, seguridad y nos medio ambiente”.

Teniendo na cuenta e puntonan aki, lider di Fraccion di POR den Parlamento ta pidi Gobierno pa reinstitui e WIF logrando asina un suma fijo pa e inversionnan necesario wordo realisa.

Marisol Lopez-Tromp finalizando a recorda e ministernan Oduber y Maduro cu e ta en espera di e contestanan por escrito di e serie di preguntanan manda pa nan relaciona cu e temanan di caretera y infraestructura.

*Parlamentario Endy Croes (MEP):*

## ‘Segun Mike el a baha prijs di awa cu 35%. Wel awe lo demostr’e con Mike a subi esaki cu 15%’



**ORANJESTAD - Parlamentario Endy Croes a splica anteriormente cu e no ta laga Mike Eman sigui manipula pueblo cu storianan mentiroso kisas hinca den un bachi bunita pa asina trata na convence pueblo. Hamas nos lo permiti esaki tuma luga primordialmente despues cu Mike Eman a masacra nos pais financieramente creando e Mega Debe.**

Siman pasa Mike Eman a publica den un articulo cu Mike y AVP a logra reduci prijs di awa cu 35% (Mira adhunto). Wel pueblo awe nos lo demostra cu prueba con Mike Eman ta gaña atrobe. Nos por corda ainda su campaña cu AVP lo elimina BBO?

Wel no ta nada straño cu Mike awe ainda kier sigui manipula.

### E prome planta di SWRO

Aki ta sigui poco di e historia di WEB. Desde 1932 cu WEB a keda estableci cada tanto aña a keda busca manera pa inverti den sistemanan duradero y moderno pa garantisar suministro di Awa y Coriente pa pais Aruba. Desde 1965 a introduci e sistema di MSF desalination technology, esta Multi Stage Flash system. Tambe nos por corda Agua Chem cual tambe ta e tecnologia di MSF. Ta hustamente bao di vision di gobernacion di MEP na 2006 a firma contracto pa RECIP1 (pa logra baha prijs di coriente) y SWRO cual ta Sea Water Reverse Osmosis,

un tecnologia unda ta filtra awa di lama door di membranan masha fini convirtiendo asina awa di lama den awa portatil, esta awa cu hende por bebe cual ta un sistema cu ta uza menos energia pa por logra baha prijs di awa. Den luna di maart 2008 e prome planta di SWRO di capacidad di 8000 M3 pa dia a drenta servicio y asina Agua Chem 1 despues di 25 aña ta wordo saca for di servicio. Esaki tabata e prome decision y paso grandi tuma durante gobernacion di MEP pa por logra bay e rumbo pa baha prijs di awa y coriente.

### E di dos planta di SWRO

Mesun momento MEP a inicia e proceso pa e di dos planta di SWRO. Mike Eman a drenta gobernacion na october 2009 y a ricibi e prijs di awa na Afl. 8.85/M3. Asina mes Mike no por a mancha esaki na un manera correcto como cu nan tabata chica hopi placa di WEB pa tur tipo di Green Conference unda Mike Eman a bay over den su periodo di 2010-2013 pa aumenta prijs di awa cu un averahe di 15%. Na 2010 a aumenta e prijs di awa cu 15.4%. Na 2011 Mike y AVP a aumenta prijs di awa cu 24.2% den comparacion cu 2009. Na 2012 e aumento tabata 20.6% den comparacion cu 2009 y pues un aumento averahe den 4 aña di AVP na 15%. Adhunto e tabel di WEB como prueba palpabel pa contra aresta e gañamento di Mike Eman. Pues ningun pero ningun momento Mike Eman y AVP a baha prijs di awa cu 35% manera Mike a skirbi

den su ultimo articulo, alcontrario a aumenta esaki cu 15%. Cifranan no ta gaña. Danki na e vision di MEP cu a inverti den 2 proyecto di SWRO, esta e prome planta cu a bay den servicio na maart 2008 di un produccion di 8000 m3/dia y e di dos planta di SWRO di capacidad di 24000 m3/dia (vision di MEP) cual a drenta den funcion na 2012, Aruba a cuminsa conoce un prijs stabiel di awa desde ey bin dilanti.

Den un siguiente articulo lo duna mas splicacion di e efecto di ambos planta di SWRO pa cu pueblo. Pues cu Mike a aumenta prijs di awa cu 15% y no a baha esaki cu 35% manera e kier manipula pueblo a keda comprobante awe, Parlamentario Croes ta termina bisando.

**adonan, reduccion di prijs di awa cu 35% y coriente cu 15%, reduccion di bbo na mitar den promer 4 añanan di nos gobernacion y otro cambionan grandi pa segura mas equidad economico den futuro tambe cu introduccion di un ley di pensioen general”, e lider di AVP, mr. Mike Eman ta splica.**



*Parlamentario Robert Candelaria (AVP):*

## ‘Husticia den crisis pa falta contundente den maneho di un minister incapaz’



**ORANJESTAD - “No ta un secreto cu tur cos cu por a bay robes den Cuerpo Policial, a bay robes. Varios situacion preocupante tumando lugha un biaha mas den e siman aki cu mester di atencion inmediato, pero tambe tin cu pone riba lista di prioridad na lugha di malgasta capital pa dia na helicopter”, asina Parlamentario Robert Candelaria ta bisa den un declaracion.**

Actualmente na Warda di Playa tin e situacion di schimmel cu a causa polisnan a sali for di warda. Esaki no ta algo cu ta tumando lugha di awo, ta 24/7 ta traha den un warda, y contrario na otro edificionan, infraestructura/ airco y tur otro cos mester ta diferente. E situacion aki tin basta tempo tumando lugha, mescos cu e situacion na Frankrijkstraat. Ta opta pa huur 2 edificio pa un departamento siendo cu ta keda vocifera cu no tin placa. Mesun cos ta sosode cu e helicopter cu ta costando hopi placa pa dia mientras no tin placa pa busca bala pa Cuerpo Policial. Parlamentario Robert Candelaria a bisa ta imposibel pa mira con tin cu bay busca bala na otro isla!

### **Hopi cosnan tumando lugha den Cuerpo Policial**

Robert Candelaria a bisa tambe unda cu e bay y combersa cu coleganan, ta

sinti cu nan ta hopi demotiva. Esaki ta conta pa tur polis sin excepcion algun. Hopi ta esunnan cu kier bay, of no kier sigui traha mas den Cuerpo y sigur algo cu no ta saludabel pa nan. Hopi lihe mester bin cu un cambio, y e Minister aki tin cu saca su conclusion. E ta guiando un organisacion / un cadena Hudicial y tur caminda tin problema y ta bayendo di “mal a peor”. E tin cu acepta y bisa cu el a purba pero danki mi ta sigui.

“No por ta asina si cu nos Husticia ta den e situacion cu e ta awo. Pues ta den un Crisis completo na man di un Minister incapaz.”

Conseho di Parlamentario Robert Candelaria ta pa un solucion a corto plaso cu lo ta pa cumpli cu ley/cu regla. Si cumpli cu regla riba con pa atende cu contractnan di edificionan cu tin of esunnan cu a busca pa loco gastando placa desproporcionalmente, hacie di e forma ey. “Planifica y priorisa bo maneho, kico ta e cos cu ta importante; kico dia mi kier nan bay de un edificio nobo; dicon mi kier nan bay; cuanto mi ta bay paga eyan; ki dia ta termina contract; con ta bay regel esey pa move tur hende den un manera corecto.”

Un otro solucion lo ta di evalua e helicopter, cu ta costando mas o menos 200 mil florin pa luna, mientras ta papia di bala di arma pa polis cu lo

keda regla “anto nos ta hopi leu for di cas y den un crisis hopi serio.”

### **Tin mas auto cu tin Polis pa traha**

Algo cu sigur ta capta atencion ta cu actualmente tin mas auto cu tin polis mes pa core aden. Ta conta tambe pa e brommernan nobo. “Tur esakinan ta great , pero unda e prioridad ta? Si tin auto na monton para pafo pero e bala pa hinca den e arma a bira un problema anto nos no por compronde e cos aki. Ta recorda tambe un tempo cu licencia di computer a bira un problema cu a trece dilanti, pero a opta pa bay corta y sinta na un barrio post, lagando afo cosnan esencial pa traha cune den nan trabou diario. Tur esaki ta situacionnan cu no por tuma lugha,” Candelaria a trece dilanti.

Hasta e ta bisa cu kisas e minister lo a pensa pa busca asina tanto auto pa e polisnan nobo cu lo drenta cuerpo. El a papia di 200 polis den su prome dianan di gobierno, cu tabata un “wishful thinking”, y a cumpra esakinan adelanta. “E no a wak cuanto polis tin en realidad, cua ta servicio cu kier brinda, con kier desplega su hendenan y a base di esey cuanto vehiculo lo tin mester. A haci lo contrario! Prioridadnan robes, falta di conocimiento di e trabou, falta di consehonan corecto, ignora conseho al caso y e actitud di sa miho cu cualkier otro ta locual cu tin e pais aki awe confronta cu resultadonan asina aki. Na momento cu situacion bay robes ta culpa dienst/persona y nunca asumi e responsabilidad e mes. Husticia no por traha asina, bayendo 2 aña caba y sigur no por mas. Cuanto mas, no solamente polis pero otro servicionan tambe manera cuerpo di bombero cu tambe tin preocupacionnan, lo tin cu wanta?”

Pa finalisa Robert Candelaria ta bisa, cu pa falta di maneho , falta di prioridad, falta di direccion ta pone cu e dienstnan tin cu sinta cune y na final di dia e pueblo, cu e ta responsabel pe, ta sufri consecucionan.

**BNDIA**  
ARUBA

**Ora di  
STUUR  
pone bo  
cel abou**

**E text  
por  
warda  
Bo  
bida  
NO**





El señor es mi pastor nada me faltara, en verdes pastos el me hace reposar. A las aguas de descanso me conduce y reconforta mi alma. Por el camino del bueno me dirige, por amor a nombre.

Con profunda tristeza y dolor pero conformes con la voluntad de Dios queremos participar el fayecimiento de :



### Consuelo Velez Cardona

05 febrero 1952- 10 Julio 2019

En nombre de sus:

Hijas : Angy Catalina Velez Cardona  
Jesika Paola Velez Cardona

Sus Nietos: Valery Ras  
Dylan Galeano  
Genesis Tromp  
Noah Castaño

Su hermano : Ramiro Velez

Sus sobrinos: Andres Velez  
Natalia Velez

Sus yernos: Carlos Mario Castano  
Jaiver Galeano

Familia en Colombia: Velasquez Arango

En Aruba : Flia Arango Velasquez, Flia Galeano , todos sus amigos y conocidos .

La familia pedimos porfavor para no vestir color negro.

Si en caso de nuestra tristeza okvidamos algun familiar o persona llegada pedimos nuestras mas sinceras disculpas.

Invitamos a todos sus amigos, vecinos, conocidos para q asistan al acto de condolencia que tomara lugar el dia 16 de Julio de 7 a 9 en la funeraria Royal delante de Aurora .

Ofreceremos una misa junto con el acto de entierro el dia miercoles 17 de julio de 2pm a 4 pm en Santa Ana Noord .



“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Nos ta anuncia fayecimento di:



### Mirella Omira Tromp

Mihor conoci como: ‘Mouwy’  
\*28-03-1973 - †10-07-2019

Na number di su:

Compañero di bida y tata di su yiunan:

Douglas Garces Colina

Yiunan: Omayra y Melrick y yiunan

Dayen y yiu

Darrien y Maribel

Dajanira y Miguel Angel y yiunan

Nietonan: Giomar, Daynah, Jayrick, Lymaira, Mikaylee

Mama y tata:

†Elizabeth Tromp y †Lionel Brenborg

Rumannan:

Zoraida Tromp y yiunan

Mirna Tromp y yiunan

†Junior Tromp

Marianela Tromp y yiunan

Jessica y Rufino Petrocchi y yiunan

Bianca y yiunan

†Nathaly y yiu

Richard y yiunan

Carina y Curt Mc Hensi y yiunan

Judith y Julio Gross y yiunan

†Jairo Tromp y yiu

Welo y wela:

†Jose Tromp y †Eliza Dirksz

Tanta grandi:

Tantaura

Tanta y omonan:

†Carmen Croes y yiunan

†Marianita Solognier y yiunan

†Calista Tromp y yiunan

Jossy Tromp y yiunan

†Brigida Montaner y yiunan

Fransisco y Gina y yiu

Aurita House y yiunan na Curacao

†Benny Tromp y Mena y yiunan

Sobrino y sobrinanan: †Marlon Tromp, Zulaika Tromp y yiunan, Bryan y yiunan, Jeancarlo y yiunan, Eugene y yiunan, Kimberly na Hulanda, Marco y yiunan na Hulanda, Robertico y yiunan na Hulanda, Jonathan Lake y Mirayda Nadal y yiunan, Gregory Lake y Rosemary Everon y yiunan, Suheal Lake y Alfred Bernabela y yiunan, Sulina y Jesus Sanchez y yiu

Madrina:

†Lidia Helder

Comer y compernan

Su bon amigo/a(nan), bon bisiñanan muchu hopi pa menciona y demas famia

Nos disculpa si nos por a lubida cualkier famia den nos tristeza.

Danki na tur cu a yuda durante enfermedad na hospital y full piso 4, famianan na Venezuela, Hulanda y Corsow, na tur su amigonan di Stellaris Casino.

Acto di entierro lo wordo anuncia despues.



“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu inmenso dolor na nos curason pero conforme cu e boluntad di Señor nos ta anuncia fayecimento di nos ser stima



### Leoncio Teodulio Orman

Cariñosamente yama: ‘Jonchi’

\*12-09-1932 - †12-07-2019

Ex-douanero

Na number di su:

Esposa: Cynthia Orman-Marlin

Yiunan di crianza: Lidia Halley y yiunan  
Grace Halley y yiu  
Charles “Juni” Halley y famia  
Gerard Halley y yiu

Nieto(a)nan

Rumannan: sra. vda. Francisa Martillia Ruiz-Orman y famia

Swa y cuñanan: Gardel Bricen y famia  
Leonardo Bricen y famia  
Jose Bricen y famia  
Sra. Alicia Bakker-Marlin y famia  
Maria Christina Marlin  
Marva Bricen y famia

Nieta stima: Fillette “Fifi” Halley

Sobrino stima: Erwin Ruiz y famia

Demas sobrino y sobrinanan, primo y primanan

Amigo di cas: Raymundo “Rey” Solognier

Bon amigonan: Efraim Maduro  
George “Wawa” Kasenhout

Demas famia: Orman, Marlin, Halley, Peterson, Ruiz, Bricen, Hennep, Bakker, Kock, De Cuba, Hoevertsz, Clement, Meulens, Cheng, Lejuez, Richardson, Rincones, Tromp, Wouters, Leeflang, Duran, Sneek, Burlson, Paula, Donata, Brion, bisiñanan y ex coleganan di douane.

Ta keda invita pa acto di entierro cual lo tuma lugar diahuebs 18 di juli 2019 na Aurora Funeral Home di 2or pa 4or di atardi, despues pa Santana central na Sabana Basora.

Nos ta pidi nos disculpa cu despues di entierro nos no por ricibi bishita di condolencia na cas y si den nos tristeza nos por a lubida un of otro famia.







“Señor ta mi wardador, mi’n tin falta di nada  
Den cunucu di yerba berde e ta ponemi  
sosega.

E ta hibami na awa trankil,  
Pa mi bolbe haña forsa”.  
Salmo: 23

Cu hopi dolor na nos curason pero conforme  
cu boluntad di Dios, nos ta anuncia  
fayecimento di nos ser keri:



### Juan Boekhoudt

Mihor conoci como ‘Juancho’  
\*18-09-1934 - †13-07-2019

**Na number di su:**

**Rumannan:** Clotilda Croes-Boekhoudt  
Martina Boekhoudt  
Sira y Silo Vrolijk-Boekhoudt y yiunan  
Vda. Mia Boekhoudt-Navas y yiunan

**Primo- y primanan, Sobrino-y sobrinanan**

**Iha:** Lientje Elmondalek-Boekhoudt

**Amiga(o)nan di cas:** Tony y Greta Kock

**Ayudante:** Maria Dirksz

**Ex-coleganan di Santa Rosa**

**Demas famia:** Boekhoudt, Tromp, Croes,  
Kelly, Vrolijk, Maduro, Navas, Feliciano,  
Nuñez, Lacle, Oduber, Elmondalek, Farro,  
Ramirez, Leon, Gumbs,  
Daddosio, Chaljub, Romy, Bernadina

**Ta invita pa acto di entierro cual lo tuma  
lugar na Aurora Funeral Home diaranson 17  
di juli 2019 di 9or pa 11or di mainta.  
Despues lo sali pa santana Catolico na  
Paradera**

**Disculpa nos si den nos tristesa nos por a  
lubida algun famia of conocir.**



“Señor ta mi wardador, mi’n tin falta di  
nada

Den cunucu di yerba berde e ta ponemi  
sosega.

E ta hibami na awa trankil,  
Pa mi bolbe haña forsa”.  
Salmo: 23

Cu hopi tristesa pero conforme cu boluntad  
di Dios nos ta anuncia fayecimento di nos  
ser keri:



### Hose Cristóforo Boekhoudt

Mihor conoci como ‘Jo’  
\*02-03-1942 - †13-07-2019

**Na number di su:**

**Mama:** †Anna Prudencia Tromp-Boekhoudt

**Tata:** †Camilio Boekhoudt

**Yiu:** John Ramada

**Nieto:** Johnaiko Ramada

**Rumannan:** †Willibroda y † Venancio de  
Cuba-Boekhoudt

†Damian y Margarita Boekhoudt-Thiel

†Catarina Boekhoudt

Maria y †Elio Kelly-Boekhoudt

Antonio Boekhoudt

**Sobrino(a)nan:** †Nicolas de Cuba, Ignacio de  
Cuba, Irma de Cuba, Annie de Cuba, Marlin  
Webb, Victor Boekhoudt, Winnie Boekhoudt,  
Raquel Boekhoudt, Richard Kelly, Ceferino  
Kelly, Angeline Kelly, Elvin Boekhoudt,  
Giovanni Boekhoudt, Julisa Boekhoudt,  
Albert Boekhoudt

**Sobre sobrinonan y sobre sobrinanan,  
primonan y primanan**

**Ihanan:** Robert Webb, Angelo Webb, Roslene  
Kelly

**Madrina:** †Josefa Tromp

**Amiga di cas:** Leoncita Farro-Webb

**Ex coleganan di Aruba Grand Hotel**

**Amigonan di Domino Team**

**Demas famia:** Boekhoudt, Tromp, Ramada,  
de Cuba, Thiel, Kelly, Webb, Arrindell, Croes,  
Geerman, Mathilda, Lugo, Wongsosimito,  
Wever, Grullon, Everon, Franken, Farro

**Ta invita pa acto di entierro cuallo tuma  
lugar nna Misa Santa anna na Noord  
diasabra 20 di juli 2019 di 2or pa 4or di  
atardi. Despues lo sali pa Santana Catolico  
na Noord.**

**Condolencia lo tuma lugar na Aurora  
Funeral Home diabierna 19 di juli 2019 di  
7or pa 9or di anochi.**

**Disculpa nos si den nos tristesa nos por a  
lubida algun famia of conocir**



Cu dolor na nos curason pero hopi agradecido pa  
tur locual e la nifica y haci pa nos, nos ta anuncia  
cu a bay drumi den brasa di Señor:



### Junior Fenelon

\*20-09-1985 - †12-07-2019

Na number di

**Mama:** Enita Fenelon

**Rumanan:** Sherline Fenelon  
Nadege Fenelon  
Riguad Fenelon  
Natasha Fenelon

**Sobrino(o)nan:** Endino Gieske  
Isarar Fenelon  
Chris Fenelon  
Leticha Fenelon  
Genivieve  
Sybila

Ta invita pa asisti na acto di despedida y  
cremashon cu lo tuma lugar diabierna 19 juli 2019  
for di 2or pa 4or di atardi na Royal Funeral Home.



“Señor ta mi wardador, mi’n tin falta di nada  
Den cunucu di yerba berde e ta ponemi sosega.

E ta hibami na awa trankil,  
Pa mi bolbe haña forsa”.  
Salmo: 23

Nos ta anuncia fayecimento di:



### Reina Reineta Ruiz-Ridderstaat

Acto di entierro lo wordo anuncia despues.





Bo ta gusta hunga domino  
Hunga bingo, bai casino  
Wak baseball,  
Wak futbol  
Tennis, wak Laura,  
wak tur cos cu drama  
Sa cu semper bo lo ta cu nos  
Momentonan trankilo mi lo scucha bo bos  
Mi tabata sa cu un dia bo lo bai  
Cu un dia bo lo no tey mas  
Cu un dia na rudia mi lo cai  
Y pidi Papa Dios no kibra mi cas

Cu inmenso dolor na nos curason pero agradecido pa tur locual e la nifica pa nos, nos ta anuncia fayecimento di nos esposo, tata, abuelo, ruman, omo, bisinja, amigo y conocir



**Ascencion Bonifacio Tromp**  
**Cariñosamente yama: Chon Chon of Chon**  
**Ex trahado di Elmar**  
**\*14-05-1942 10-07-2019**

Na number di su Esposa: Ana Rosa Delia Tatis Tromp

**Yiunan:** Randy, Damira Odor y yiunan  
Elvis Fenny y yiunan  
Jairzinho y yiu  
Mayra, Juni Semerel y yiunan  
**Hijastra/o:** Clara Paulino y Federico Paulino  
**Rumannan:** Jose Turpin Tromp y famia  
Miano Tromp y famia  
Jacintho Chin Tromp y famia  
Juliana Gil y famia  
Theresita Thode y famia  
Mariano Tromp y famia  
Eduardita Gil y famia  
Clea Farro y famia  
Antonio Farro  
**Nieto/a nan:** Björn, Nina, Liram, Radamhir,  
Dhyraen, Jacquiâime, Jeshua,  
Jacquïlle, Jaimely, Jaxxden,  
Zoey y Hailey  
**Suegra y Suegro:** Fedora Perez y Rodrigo Antonio Tatis  
**Swa y Cuña nan:** Miosotis Perez y Felix Fermin,  
Giovanni Tatis, Jonny Perez,  
Katia Sanchez, Wilson Tatis y  
Rodrigo Tatis.

**Amigonan di cas:** Harold, Lou  
**Ex-coleganan nan di:** ELMAR NV y Clean Up Cleaning Services  
**Famia, bisiña y conocirnan di:** Sabana Liber y Barcadera  
**Compañero/a nan di su teamnan:** Noord Stars Domino Team,  
Baracuda Biljart Team, Free Zone Gang Team.  
**Su teamnan di futbol:** Noord Central, Jong Aruba y Hooiberg Vets  
**Demas famianan:** Tromp, Tatis, Odor, Semerel, Semeleer,  
Martina, Marti, Geerman, Gil, Thode, Farro, Solognier, Faro,  
Britten, Marapin, Pourier, De Palm, Jimenez, Croes, Ruiz,  
Zievinger, Gomez, Figaroa, Arends, Perez, Sanchez, Dijkhoff.  
Molero

Ta invita tur amigo, bisiña y conocirnan pa asisti na e acto di entierro cu lo tuma lugar na Misa Santa Anna na Noord diamars 16 di juli 2019 di 2or pa 4or di atardi. Despues lo sali pa Santana Catolico na Sta Anna.

Condolencia lo tuma lugar na Aurora Funeral Home dialuna 15 di juli 2019 di 7or pa 9or di anochi.

Nos kier a pidi nos disculpa si den nos tristeza nos por a lubida un of otro famia.

Ta lamenta pero despues di entierro nos no ta ricibi bishita di condolencia na cas.



Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Cu dolor na nos curason pero hopi agradecido pa tur locual e la nifica y haci pa nos, nos ta anuncia a bay drumi inesperadamente den brasa di Señor:



**José Christino Hoek**  
**Miho conoci como**  
**'Jo'**  
**\*13 april 1942**  
**12 juli 2019**

Na number di su:  
Mayornan: Cornes Hoek y Juliana Hoek Kelly

Esposa: Filomena Maria Henriquez

**Yiunan:** Omaira Henriquez y Marlon Tromp y yiunan  
Marlyn Henriquez y John Angela y yiunan  
Myrlanda y Anthony Everon- Henriquez y yiunan  
Daihann Henriquez y Mark Mackay y yiunan  
Rino y Jamila Henriquez- Maduro y yiunan

**Nieto y nietanan:**  
Eugene, Shawn, Gavin, Lynell, Lynette, Shaira, Lianne,  
Richinella, Nathan, Shayna, Maybeline, Anisha,  
Jeantessa, Dariann, Yalexander

**Su unico bisanieta:**  
Miliany Isabella Everon

**Rumannan:** Mario y Julia Hoek- Ras y yiunan  
Rey y Henriqueta Hoek- Faro y yiunan  
Ana Hoek y yiunan  
Francisco Hoek  
Ramon y Rubia Hoek- Maduro y yiunan  
Marciano y Carmen Hoek- Montero y yiunan  
Benito Hoek y yiunan  
Francis y Toribia Hoek

Na su tanta y omonan, sobrino y sobrinanan, ihanan, primo y primanan, comper y comernan, sua y cuñanan  
Tur amigonan, bisiñanan, conocinan y demas famia

**Famianan:**  
Hoek, Kelly, Henriquez, Tromp, Jacobs, Angela, Everon, Mackay, Maduro, Arends, Orman, Montero, Barret, Wever, Ras, de Cuba, v/d Linden, Kock, Mejia, Sint Jago, Schwengle, Escalona, Santana, Sam, Cruz, Lacle, Solis Montoya, Rodriguez, Haselhof, Howell, Croes, Geerman, de Lange, Webb, Quandt, Martinus, Schotborg, Oduber.

Ta invita pa asisti na acto di entierro cu lo tuma lugar diahuebs 18 Juli 2019 for di 2or pa 4or di atardi na Royal Funeral Home, despues lo Sali pa santana Central Sabana Basora.

Oportunidad pa condolencia lo ta diaranzon 17 Juli 2019 for di 7or pa 9or di anochi.

Despensa nos si nos por a lubida algun famia of conocinan den nos tristesa.



Van Rensselaerstraat 2  
Tel. 584-2299 - 7372299  
Family owned and operated  
Since 1997

Cu profundo tristesa pero contento pa loke ela nifika pa nos, ta anuncia fayecimento di nos Tata, Welo, Bisawelo, Omo:



**Ricardo Wouters**  
**Miho conoci como Cado of Dudu Cado**  
**\*29/12/1936 - +13/07/2019**

Mama di su jiunan: Henriette Ranes

**Yuinan:** Dennis I Lidia na Hulanda  
Vivian I Jorge na Hulanda  
Judith I David na Hulanda  
Jorge I Silvia  
Minerva I Aychell  
Marlon I Shahaira  
Ana I Wilfred

**Manera Yui:** Yolanda I Aldo Gomes  
Joseluis Leañez  
Jayden Romero  
Jenny Wouters

**Rumannan:** +Dionicio Wouters y Fam  
+Servinia Wouters-Thijssen y Fam  
+Ernesto Wouters y Fam

Su nieto y nietanan, Bisanieta y Bisanietanan, Subrino y Subrinanan, Primo y Primanan, Swa y Cuñanan

Su Ihanan: Sinia Guanipa  
Magaly Gomes

Su bon bisiña: Debbie Carty

Amigonan di cas: Sira Harms, Gina y Humphrey Thijssen, Silvia, Sabina y Marco Orman

Demas famianan: Wouters, Ranes, Brunnings, Kwidama, Kelkboom, Eduards, Schwengle, Leañez, Benito, Bislip, Geerman, Hoi Sing Loy, Faro, Thijssen, Peterson, Maduro, Elliotte, Martijn, Roosberg, Girigorie, Gommès, Gomez, Frias, Fingal, Angela, Yarzagaray, Rodriguez, Martinus, Alberthsz, Youseff, Larsen, Vrolijk, Bareño, v/d Linden, Bislick, De Cuba, Noguera, Boekhoudt, Luidens, Monart, Ignacio, Figaroa

Nos ta pidi nos disculpa si den nos tristesa nos por a lubida un of otro famia.

Despues di entierro nos no ta risibi bishita di condolencia na cas.

**Acto di entierro ta tuma lugar diaranson 17 di juli 2019 pa 4or di Atardi saliendo for di Misa Cristo Rey na Brazil pa Santana Centraal na Sabana Basora.**  
**Nos defunto Stima "Cado" lo ta reposa for di 1or den misa.**

**Oportunidad pa condoleer: diamars 16 di juli 2019 na Ad Patres Funeral Home di 7or pa 9or di anochi.**

Nos ta pidi pa envez di flor of krans por haci un donashon na Wilhelmina Kanker Fonds, lo ta hopi aprecia.





Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 15 Juli 2019 Anochi

<b>CATACHI</b>
Sorteo # 6831
<b>2387</b>
<b>4072</b>
<b>5839</b>
<b>BIG 4</b>
Sorteo # 5875
<b>4353</b>
<b>OFF</b>
Sorteo # 580
<b>3217</b>
<b>ZODIAC</b>
Sorteo # 4634
<b>8788</b>
<b>Leo</b>
<b>KORSOU</b>
Sorteo # 2465
<b>4266</b>
<b>0096</b>
<b>1022</b>

<b>LOTTO 5</b>	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	<b>180.000,-</b>

<b>LOTTO DI DIA</b>	<b>01-02-05-14-16</b>
Sorteo # 4823	Proximo Jackpot
0 x Jackpot	
7 x Match 4	<b>60.000,-</b>
134 x Afl. 8,00	

<b>MINI MEGA</b>	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	<b>800.000,-</b>

<b>MINI MEGA PLUS</b>	<b>Afl. 1.150.000,-</b>
-----------------------	-------------------------



**DIARIO** 4837-4556-5487

**SUPER 4** 0753

Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 15 Juli 2019 Merdia

<b>CATACHI</b>
Sorteo # 2621
<b>9942</b>
<b>6933</b>
<b>8350</b>
<b>BIG 4</b>
Sorteo # 2621
<b>3653</b>
<b>OFF</b>
Sorteo # 677
<b>8375</b>
<b>ZODIAC</b>
Sorteo # 2621
<b>2884</b>
<b>Tauro</b>

<b>LOTTO 5</b>	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	<b>180.000,-</b>

<b>LOTTO DI DIA</b>	<b>59.000,-</b>
Sorteo #	Proximo Jackpot
0 x Jackpot	
0 x Match 4	
0 x Afl. 8,00	

<b>MINI MEGA</b>	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	<b>800.000,-</b>

<b>MINI MEGA PLUS</b>	<b>Afl. 1.150.000,-</b>
-----------------------	-------------------------



## Aries

Lo bo realisa un soño di amor caricia pa un tempo largo. Bida ta hari cu bo y bo mes-ter probecha bon e momento y oportuni-dadnan ey pa realisa bo soñonan di amor. Numbernan pa awe: 12, 18, 37 y 45.



## Tauro

Lo bo supera e contratiemponan chikito cu ta existi. Bo bida amoroso ta marcha bon a pesar di e Inconveniencia chikito cu awe bo ta surpasa. Numbernan pa awe: 22, 28, 47 y 55.



## Geminis

Haci cada cos den su tempo sin pura. Esaki ta bo dia pa realisa un conversacion franco y sin reserva cu un amigo of un ser stima. Pone cosnan na nan luga. Numbernan pa awe: 29, 38, 47 y 52.



## Cancer

Lo bo sorprende tur hende cu bo accionnan. Awe lo accentua bo miho cualidadnan. Bo ta riba caminda di areglo y di consolidacion di bo asuntonan personal. Numbernan pa awe: 19, 28, 37 y 42.



## Leo

Algo cu bo tabata desea lo bay materialisa. Relaha bo mes, Leo, pasobra un actitud an-sioso no ta resolve nada, menos den e mo-mentonan aki ora bo ta tumando decision-nan. Numbernan pa awe ; 9, 18, 27 y 52.



## Virgo

Bisa lo bo tin na bo curason. Declara bo amor, expresa bo sentimentonan, no keda keto pasobra bo silencio por aleha for di bo e posibilidad di ta feliz. Numbernan pa awe: 7, 23, 37 y 42.



## Libra

Finalmente lo bo konkista e curason di e persona ey. Cu naturalidad y espontaneo bo por konkista finalmente e curason di e persona cu ta interesa bo den forma senti-mental. Numbernan pa awe: 4, 13, 23 y 32.



## Scorpio

Tin un grato sorpresa den bo bida amo-roso. Debi na e influencia combina di luna den e elemento aire, awe ta existi un peli-ger, namora di un hende cu ya tin hende. Numbernan pa awe: 14, 23, 33 y 42.



## Sagitario

Obra cu rapidez y lo bo evita mal entendi y complicacionnan. Analisa bon bo contesta nan y tur bo reaccionnan. No permiti cu un mal interpretacion malogra bo. Numbernan pa awe: 24, 33, 38 y 41.



## Capricornio

Duna pasonan concreto den bo bida amoroso. Haya solucionnan faborabel cu ta acerca bo na e persona cu asina tanto bo stima. Lo bo sor-prende tur hende cu bo actitud. Numbernan pa awe: 4, 13, 19, 27 y 40.



## Aquario

Bo meritonan ta wordo reconoci pa otro. Bo tin cu propone bo mes pa haci tur cos posibel pa engrandece bo relacionnan y duna mas calidad. Numbernan pa awe: 15, 28, 37 y 45.



## Pisces

Algo insolito lo alegra bo fin di siman. Lo imprevisto ta sosodiendo. Probecha e re-galo di bida aki y disfruta di e aventura aki. Numbernan pa awe: 25, 38, 47 y 55.





### Cas Di Cultura

Vondellaan 2 Aruba  
297-582-1010

### F A D A

Campanastraat 5 Aruba  
297-583-2999  
297-583-9610

### F A V I

Primavera 233 Aruba  
297-582-5051  
297-582-5222

### F E P O

Engelandstraat 15 Aruba  
297-583-1016  
297-583-6607

### Fundacion Hende

Muhe den dificultad  
Tel: 583-5400

### Fundacion Autismo Aruba

Irenestraat 21 Aruba  
297-588-1179

### Fundacion Pa Nos Muchanan

Cumana 2 Aruba  
297-583-4247

### Fundacion Tel Pa Hubentud

Wilhelminastraat 19 Aruba

297-588-6138

### Koningin Wilhelmina Fonds

Spinozastraat 9 Aruba  
297-582-0412

### Mary Joan Foundation

Sabana Blanco 8 Aruba  
297-588-9999

### Ned Rode Kruis

Perdo Gallegostraat 14 Aruba

297-588-3376

### Famia Planea (SBVO)

Avenida Milio J Croes 17 B Aruba

297-588-9591

www.famiaplanea.org  
famiaplanea@hotmail.com

### Stichting Fundacion Guia Mi

George Madurostraat 34  
297-582-0088

### Y M C A

Calbasstraat 1 Aruba  
297-582-3072

### AL-ANON group

Sabana Liber #8, Noord  
(close to the hotels)  
Tel: 736-2952 or  
593-7081

### A1 Taxi Services Aruba

Italiestraat 50 lokaal 7  
Tel: 587-8850

Tel: 280-2828

Whatsapp: 592-7024

E-mail: a1taxiservices.  
aruba@hotmail.com

### Mobility Equipment Hire

Tel: 568 5165

## Dokter na warda



### Oranjestad

Hospital  
7:00 pm / 10:00 pm

### San Nicolas

Dr. Tromp  
Imsan

## Botica na warda

### Oranjestad:

Sta. Cruz  
Tel. 585 6890

### San Nicolas:

San Lucas  
Tel. 584 5119

## SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



## Schedule July 2019

			ARR	DEPT	BERTH
TUE	02	FREEDOM OF THE SEAS	08.00	21.00	C
WED	03	MONARCH	08.00	15.30	C
THU	04	CARNIVAL HORIZON	08.00	16.00	C
WED	10	MONARCH	06.30	15.30	C
TUE	16	FREEDOM OF THE SEAS	08.00	21.00	C
WED	17	MONARCH	06.30	15.30	C
THU	18	CARNIVAL HORIZON	08.00	16.00	B
		QUEEN ELIZABETH	09.00	17.00	C
TUE	23	MONARCH	06.30	****	B
WED	24	MONARCH - Dept.	****	15.30	B
		CARNIVAL MAGIC	10.00	23.30	C
		FREEWINDS	06.00	****	E

### EMERGENCIA

911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

### UTILIDAD

Setar	117
Web	525-4600
Elmar	523-7147

### FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

## Centrale Bank van Aruba

Daily Exchange Rates - 07/15/2019



CENTRALE BANK VAN ARUBA

Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG1 <sup>4</sup>	-	-	100.00
USD	1.77	1.78	1.80
CAD	1.34	1.36	1.38
CHF	181.19	181.91	182.71
GBP	2.17	2.22	2.28
JPY	163.60	165.09	166.75
EUR	199.03	200.85	202.87
DKK	25.91	26.63	27.43
NOK	19.85	20.57	21.37
SEK	17.99	18.71	19.51

For amounts up to Afl. 100,000



## Rosario Bibo dia 17 di juli na Alto Vista



**ORANJESTAD - Diaranson 17 di juli lo tin otro Rosario Bibo pa 7or y mey di anochi na Kapel di Alto Vista.**

Comision organizado ta invita tur mucha, hoben y adulto pa uni den oracion pa pidi Birgen di Alto Vista intercede pa proteccion di tur cas di famia na Aruba.

Muchanan, hobennan y maestronan ta dis-

frutando di nan vacacion di scol y ta un bon momento pa gradici Señor pa e aña escolar cu ta tras di lomba.

Y tambe pidi Spirito Santo pa yuda nan tur den preparacion pa e aña escolar nobo.

Un y tur ta cordialmente invita pa asisti na otro Rosario Bibo diaranson 17 di juli pa 7or y mey di anochi na Alto Vista.

## Pelicula na aire liber pa mucha



tur mucha di San Nicolas y bisindario. Presentacionnan ta cuminsa diaranson dia 10 di juli, asina ta sigui 17 di juli, 24 di juli y e ultimo presentacion ta diahuebs dia 31 di juli.

Oranjestad: Presentacion na Playa ta tur diahuebs anochi patras di biblioteca. Prome presentacion ta diahuebs dia 11 di juli, 18 di juli, 25 di juli y e ultimo presentacion ta diahuebs dia 1 di augustus. E presentacionnan ta gratis y ta cuminsa 7or.

**ORANJESTAD -** Cu hopi animo Biblioteca Nacional Aruba ta trece su programa di actividad pa mucha den vakantie grandi. Lo tin presentacion di pelicula den aire liber tanto na Playa como na San Nicolas y biblioteca MFA Noord, Paradera, Santa Cruz y Savaneta. Biblioteca ta pasa 'Small foot' riba pantaya e prome siman, despues ta sigui 'How to train your dragon', 'Wonderpark' y 'Dumbo'.

San Nicolas: Biblioteca ta presenta e mesun pelicanan tanto na Oranjestad como na biblioteca na San Nicolas pa



**50 Caribbean Cinemas**  
Años. Years. Années.

PH VIP At Paseo Herencia 582-3693

PBP Palm Beach Plaza Mall 586.0074

caribbeancinemas.com

f Caribbean Cinemas Aruba

MORE VARIETY IN PROGRAMMING AND SHOWTIMES NOW WITH 14 SCREENS!

**JULY 11-17**

**HAMLET NATIONAL THEATRE LONDON**  
SUNDAY, JULY 14 AT 1:00PM

DAVE BAUTISTA | KUMAIL NANJIANI

**STUBER**  
WITH SPANISH SUBTITLES

PH	MON-THU 4:10	6:20	8:30
FRI	4:10	6:20	8:30
SAT	1:50	4:10	6:20
SUN	1:50	4:10	6:20

PBP MON-THU & SUN 2:55 | 5:05 | 7:15 | 9:25  
FRI-SAT 2:55 | 5:05 | 7:15 | 9:25 | 11:35

KAYA SCODELARIO | BARRY PEPPER

**CRAWL**  
WITH SPANISH SUBTITLES

PH	MON-THU 3:50	5:50	7:50
FRI	3:50	5:50	7:50
SAT	1:50	3:50	5:50
SUN	1:50	3:50	5:50

PBP MON-THU & SUN 1:40 | 3:40 | 5:40 | 7:40 | 9:40  
FRI-SAT 1:40 | 3:40 | 5:40 | 7:40 | 9:40 | 11:40

PBP MON-THU & SUN 2:30 | 4:30 | 6:30 | 8:30  
FRI-SAT 2:30 | 4:30 | 6:30 | 8:30 | 10:30

TOM HOLLAND | SAMUEL L. JACKSON

**SPIDER-MAN Far From Home**  
WITH SPANISH SUBTITLES

PH	MON-FRI 5:50	8:40
SAT-SUN	3:00	5:50

PBP MON-THU 4:50 | 7:40  
FRI 4:50 | 7:40 | 10:30  
SAT 2:00 | 4:50 | 7:40 | 10:30  
SUN 2:00 | 4:50 | 7:40 | 10:30

CXC MON-THU & SUN 2:00 | 4:45 | 7:30  
FRI-SAT 2:00 | 4:45 | 7:30 | 10:15

PBP MON-SUN 12:55 | 3:40 | 6:25 | 9:10

TOM HANKS | TIM ALLEN

**TOY STORY 4**  
WITH SPANISH SUBTITLES

PH	MON-THU 4:00	6:25	8:50
FRI	4:00	6:25	8:50
SAT	1:40	4:00	6:25
SUN	1:40	4:00	6:25

PBP MON-SUN 12:55 | 5:25

MON-THU & SUN 3:10 | 7:45  
FRI-SAT 3:10 | 7:45 | 10:00

VERA FARMIGA | PATRICK WILSON

**ANNABELLE COMES HOME**  
WITH SPANISH SUBTITLES

PH	MON-THU 4:30	6:55	9:20
FRI	4:30	6:55	9:20
SAT	2:05	4:30	6:55
SUN	2:05	4:30	6:55

PBP MON-THU & SUN 7:50  
FRI-SAT 7:50 | 10:00

CHRIS HEMSWORTH | TESSA THOMPSON

**MIB INTERNATIONAL**  
WITH SPANISH SUBTITLES

PBP MON-SUN 1:30 | 4:00 | 6:30 | 9:00

HIMESH PATEL | JULY JAMES

**YESTERDAY**  
WITH SPANISH SUBTITLES

PBP MON-SUN 2:40 | 5:15

**OPENING JULY 18: THE LION KING, DOLOR Y GLORIA**

THE MAGIC OF THE MOVIES ON YOUR MOBILE DEVICE

Download on the App Store

GET IT ON Google Play

## Pronostico di Tempa

### Tempo:

Parcialmente te hopi nubia cu chens pa localmente un awasero

Temperatura maximo 32 grado Celsius temperatura minimo 25 grado Celsius

Bahada di solo : 7:09pm subida di solo : 6:22am.

### Biento:

Moderata te basta fuerte for di generalmente direccion oost; Forsa 4 te 5 (20 te 39


km/ora, 11 te 21 nudo) den dia fuerte te duro den rafaga; forsa 6 te 7 (40 te 61 km/hr, 22 te 33 nudo).

### Situacion general di tempo:

Humedad y instabilidad persistente den region lo por produci localmente algo di awasero den proximo 24 ora. No por exclui posibilidad di lamper cu strena.

### Condicion di lama:

Olanan di lama lo ta for di



direccion oost cu haltura di 5 te 8 pia; ta pidi ocupantenan di boto chikito pa bay cu cautela riba lama habri, specialmente na partinan di costa oost te noordwest y tambe den bisindario di posibel awasero.



## India ta evalua fayto tecnico cu a aborta mision lunar



**NEW DELHI (AP) — Organización Espacial di India ta examinando e fayto tecnico cu a hiba na aborto di e lansamento dialuna di un astronave cu intencion di aterisa den e banda leu di luna, segun un oficial a bisa.**

E mision Chandrayaan-2 a keda aborta poco prome cu despegue dialuna trempa pa e Organización di Investigación Espacial di India (ISRO pa su siglanan den Ingles) ora cu un a observa un 'fayto tecnico' den e launcher.

Vivek Singh, director di media di ISRO, a bisa cu e organización mester por scoge un fecha nobo pa e lansamento dentro di algun dia. El a nenga di bay den detaye.

Chandrayaan, e palabra den Sanskrit pa 'nave lunar', ta diseña pa un aterisahe suave riba e polo sur di luna y pa manda un rover pa explora deposito di awa, confirma pa un mision espacial di orbita anterior.

Pallava Bagla, editor di ciencia pa e canal noticiero New Delhi, a bisa cu e fecha pa lansamento mester cumpli cu cierto criteria tecnico, y lo por dura algun siman of luna pa un fecha nobo. Tambe el a bisa riba su canal cu e raket y satellite tabata sigur, y cu e hidrogeno y oxigeno likido a ser retira for di e raket. E detayenan completo di kico a bay fout lo ta disponibel ora e científiconan por haya acceso na e raket y despues cu realisa un evaluacion completo, el a bisa.

Dr. K. Sivan, presidente di ISRO, a bisa siman pasa cu como e mision Chandrayaan-2 na balor di \$140 milyon ta e mas prestigioso di e pais te awo, den parti pa motibo di e complejidad tecnico di un aterisahe suave riba superficie lunar – un evento cu el a describi como '15 minuut di terror'.

Si India lo a logra e aterisahe suave, lo ta apenas e di cuater pais pa logra esaki, despues di Merca, Rusia y China.

### Hefe di tesoreria:

## 'Plan pa moneda virtual di Facebook propenso pa uzo illicito'



**WASHINGTON (AP) — Administracion di Trump a pronuncia su mes fuertemente contra e plan ambicioso di Facebook pa crea un moneda digital nobo, mientras e hefe di tesoreria a adverti cu lo por uza esaki pa actividad illicito, manera labamento di placa, traficacion humano, y financiamiento di terrorismo.**

Secretario di tesoreria, Steven Mnuchin a expresa 'preocupacion hopi serio' tocante e moneda proponi pa e gigante di rednan social, cual lo wordo yama Libra. "Esaki ta en berdad un asunto di seguridad nacional", Mnuchin a bisa reporteronan na Cas Blanco. Su comentarionan a yega algun dia despues cu presidente Donald Trump a tweet cu Libra 'lo tin poco dependabili-

dad'. Trump, recién sali di un 'cumbre di rednan social' cu el a tene na Cas Blanco, cual a atrae conservadonan critico di Big Tech, a tweet siman pasa: "Mi no ta un fanatico di Bitcoin y otro moneda virtual, cual no ta placa, y cual nan balor ta altamente volatil y basa riba aire fini. Activonan virtual sin regulacion por facilita comportamiento ilegal, incluyendo comercio di droga y otro actividad ilegal."

Si nan kier drenta mercado financiero, Facebook y su decenas di compania socio den e empresa mester acepta e regulacion estrecho cual banconan ta bou di dje, e presidente a bisa.

E comentarionan di e hefe di tesoreria a bay mas leu, marando Libra directamente cu preocupacion tocante uzo potencial pa labado di placa, droga y traficacion humano, evasion di impuesto y otro crimen. Facebook 'tin hopi trabou pa haci prome cu nos yega e punto cu nos ta comodo cune', Mnuchin a bisa.

Diamars, congreso ta cuminsa dos dia di audiencia tocante e plan di Libra di Facebook. Cabesante di Reserva

Federal tambe a bati alarma tocante e plan siman pasa.

E plan di Facebook 'ta lanta un cantidad di preocupacion serio, y esey lo inclui privacidad, labado di placa, proteccion di consumo, estabilidad financiero', segun presidente federal Jerome Powell a bisa den un testimonio congresional. "Esakinan mester evalua a fondo y publicamente prome cu esaki procede."

A diferencia di Mnuchin, Powell – como presidente di Banco Central – ta un regulador independiente kende ta separa di e administracion y influencia politico.

Ya caba bou scrutinio intenso di reguladonan y congreso tocante privacidad y dominio di mercado, Facebook a lanta rabia den Capitol Hill luna pasa ora a revela su plan pa crea un ecosistema financiero nobo basa riba moneda digital.

A pone audiencia cu Senado y Congreso riba agenda, y e cabesante democratico di e Comité pa Servicio Financiero di Congreso a pidi Facebook pa suspende e plan te ora Congreso y reguladonan por revisa esaki.

David Marcus, e ehecutivo di Facebook liderando e proyecto, a bisa den su testimonio prepara pa e audiencia di e panel di Servicio Financiero cu Libra 'ta pa desaroya un manera sigur y cu costo abou pa hende move placa eficientemente rond mundo. Nos ta kere cu Libra por haci un progreso real pa construi un infraestructura financiero mas inclusivo'.

Facebook ta di acuerdo cu Powell cu e revision gubernamental di Libra mester ta 'cu pasenshi y a fondo, na luga di core pa implementacion', segun e declaracion di Marcus. E moneda digital planea ta mira como un 'stablecoin' (moneda stabiel) sosteni pa deposito den moneda soberano manera dollar, euro y yen Hapones – a diferencia di bitcoin, ether of otro moneda digital. Primintiendo cuotanan baho, e por habri comercio online pa miyones di hende rond mundo cu no tin acceso na cuenta di banco, y haci mas facil pa manda placa a traves di fronteranan. Pero tambe ta lanta preocupacion tocante privacidad di e data di usuarionan y e potencial pa criminalnan pa uz'e den labado di placa y fraude.



*Minister Otmar Oduber:*

## Ta lamenta cu compania EcoGas ta mal informa comunidad



**ORANJESTAD – Recientemente gobierno a tuma nota cu den articulo publica 14 di juli den medianan di comunicacion, e compania en cuestion ta informa di posibel intencionnan pa por exporta sushi di Aruba.**

Gobierno di Aruba, cu tin como uni-

co punto di salida bienestar di Aruba, ta lamenta profundamente mal informacion duna door di compania EcoGas. Mester indica cu realmente ni mita di e sushi total produci na Aruba ta wordo recoge pa EcoGas.

### **Acuerdo temporal**

Como parti di un plan corto-medio

plaso, Serlimar a cera un acuerdo temporal cu EcoGas pa paketa e sushi cu Serlimar y otro compania ta recoge di cas y comercial, den e asina yama 'enviobales'. Importante ta pa comunidad compronde cu ta trata di un acuerdo temporal pa asina por duna espacio pa yega na e plan definitivo, den forma di un 'waste to energy facility' pa pais Aruba. Na unda cu bienestar di tur ciudadano ta bin na vigor.

Na ningun momento e ta asina cu e compania en cuestion por dicidi cu e sushi cu ta paketa por exporta di tal forma. Pa es motibo, Gobierno ta lamenta cu e informacion a wordo publica como tal.

Cualquier compania cu tin un bon pensamiento, bon plan y bon vision, ta un compania cu ta forma parti di e solucion. Sinembargo, esaki semper teniendo bienestar general na cuenta y tambe practicanan etico di haci negoshi. Ora cu ta trata subimento of bahamento di prijs, ta cuestiona e hecho cu na momento cu e compania en cuestion a yega na acuerdo cu pais Aruba, a tuma e decision pa trip-



lifica prijsnan den sector comercial pa locual ta servicio cu nan ta duna companianan, cual ta algo pa pensa riba dje.

Gobierno di Aruba kier enfatisa cu e tin pleno confiansa den e proceso transparente, integro y solido, pa locual ta e solucion definitivo pa Aruba su problema di desperdicio den forma di un 'waste to energy facility'. Asina ta indica cu Gobierno di Aruba tin bienestar di pueblo como su punto di salida.

## Alrededor di 10.000 persona mester tratamiento pa problemanan mental



**ORANJESTAD – Recientemente dr. Van Gaalen, director medico di Respaldo, y drs. Els van Homelen, directora di SVGA, a firma un acuerdo formal di cooperacion hopi importante. Esaki a sosode despues di a wordo reconoci como instituto oficial di formacion practico pa estudio di GZ-psycholoog.**

Ta trata di un acuerdo di cooperacion entre Funda-

cion pa Salud Mental Aruba Respaldo (FSMA Respaldo) y Stichting voor Verstandelijk Gehandicapten Aruba (SVGA) cual ta haci posibel cu specialistan di SVGA lo por completa nan formacion practico na policlinicanan di Respaldo. Esaki en conexion cu e estudio pa psicologonan basico por bira GZ-psicologo. E estudio di GZ-psicologo ta un especializacion di dos aña cu por wordo sigui despues di a termina un estudio universitario di psicologia.

Cu e estudio aki e psicologonan lo ta specialisa pa por diagnostica y trata pashentnan cu problemanan mental.

E estudio pa especializacion pa psicologonan na Aruba lo wordo duna door di Rino Zuid di Hulanda y tin un duracion di dos aña y mey. Pa cu esaki Respaldo lo traha conhuntamente cu Mental Health Caribbean cu ta e instituto cu ta coordina e estudio aki pa e region.

Fundacion Respaldo ta sumamente contento di por yuda haci posibel pa nos psicologonan na Aruba lo por sigui e especializacion aki na Aruba mes. Di e manera aki pronto Aruba por conta cu mas GZ-psicologonan cu lo haci cu e nivel di e cuido lo subi substancialmente. Gradualmente lo por bay responde miho na e gran necesidad di atencion pa salud mental y adiccion na Aruba.

Respaldo a atende na 2017 alrededor di 2.000 cliente y na

2018 alrededor di 3.500 cliente a wordo atendi.

Esey ta un aumento di alrededor un 75% mas cliente atendi den transcurso di un aña. Respaldo ta riba e caminda corecto, pero no por nenga cu ainda tin hopi trabou pa cherce. Tur aña, alrededor di 10.000 adulto y mucha/hoben na Aruba mester di atencion medico pa tratamento di problemanan mental. Tin cooperacion concreto di tur stakeholders ta indispensable den e proceso aki.





*Ciudadano a bay cerca dentista ilegal...*

## ‘Pa paga menos mi a perde mi djente’



**ORANJESTAD – Recientemente Bon Dia Aruba a publica un articulo tocante dentista cu no tin permiso trahando na Aruba. Un persona a acerca Bon Dia Aruba pa splica cu el a bay drecha su djente na un dentista sin permiso pa spaar placa y e trabou a sali caro.**

E persona, cu a prefera di keda anonimo, ta splica e no kier otro persona pasa den loke el a pasa aden pa su ‘ignorancia, y no kier a paga di mas na un dentista local’. Segun e ta comparti cu el a paga Afl 100.- pa drecha un buraco cu e dentista sin permiso a bis’e cu tin recuperacion.

“El a bisa mi cu ta djis un buraco y cu si mi yen’e, e dolor y problema ta kita. Despues di un tempo, di algun siman, e dolor a cuminsa bek. Mi a prefera di wanta, te cu el a bira pio y mi a bolbe cerca dje. Claro el a trata cune bek, pero nunca el a drecha”, el a expresa.

Segun e persona, el a perde confianza anto el a dicidi di bay su mesun dentista local, pa motibo cu no tabata wanta e dolor, y e dentista sin permiso no por a haci nada mas p’e, pasobra no tabata tin e ekipo adecua, ni por a traha bon cune.

Ora el a yega su dentista local, esaki a splik’e kico tabata e situacion di e persona su djente. El a saca su potret y asina el a splica detayadamente kico tabata e problema di e pashent. Pa motibo cu el a laga tempo pasa, e mester a pasa den e proceso di ‘root canal’.

Sinembargo, e persona a splica cu e root canal a sali 6 biaha mas caro di loke el a paga na cuminsamento cu e otro dentista. “Ami tabata kier a salba e djente, pasobra mi sa cu e root ca-

nal, e djente por bira debil y cay den cualkier momento. Pero pa motibo di no a bay dentista local, mi a sali ta perde toch.”

A papia cu dentista local Leonardo Maduro, kende a splica e proceso di e root canal. El a splica cu cada proceso tin nan complicacion. Un root canal por kibra e djente, deshidrata of bira debil, pero tambe e por dura mas di 5 pa 10 aña si tin bon cuido. Anto si

e pashent no tin placa pa haci un implante, e mester sigui cu e proceso.

Ta depende na cada persona, sinembargo si por scapa e djente natural ta bon. Tin dentista cu ta duna opcion pa pone un ‘bridge’ of otro opcion pa e djente. Tambe el a splica cu e prijs di e proceso di root canal por varia depende di e cantidad di raiz, tambe ta recomenda pa pone un corona.

“E prijs ta varia, tin 500, 600, 1.000 florin, anto e corona ta un 2.000 florin mas. Den comparacion cu implante, cu ta sali un 3.000 pa 4.000 florin, pues no ta core riesgo cu ta kibra y tin garantia. Sinembargo esey no ta nifica cu no por haya malesa, mester keda haci check up”, Maduro a splica.

Segun e pashent, su irresponsabilidad a sali mas caro. El a remarca cu mas el a warda, e gasto a bira mas halto. E ta recomenda pa tur hende cu sinti un dolor of algo straño bay di biaha su dentista.

“Ami a bay, pero a sali mas costoso pa mi ignorancia di bay prome na un dentista cu no tabata bon ekipa. Den mi caso, mester a perde mi djente pasobra el a yega e nervio. Unabes mi mester yega e proceso di root canal mi a perde caba”, el a expresa.

Sinembargo, e ta remarca cu cada hende tin e derecho di busca locual ta cumbini nan. Aunke e ta agrega cu ‘logicamente e no ta sigur’. E pashent ta bisa cu tambe a bay haci test di sanger pa evita cualkier otro malesa, pasobra el a keda preocupa si e ekipo tabata bon sterilisa of sigur.

Pa finalisa, e persona a expresa cu tin biaha, hende ta pensa pa spaar placa ta haci cosnan sin pensa riba e consecuencia, pero mester corda cu ‘nos salud ta algo delicado’.

